

曾國藩詩文集



晉國藩詩集



曾國藩詩文集目錄

詩

四言

題楊忠愍公二疏手草

題易公筠亭遺像

五言古

雜詩九首

里胥

送吳榮楷之官浙江三省

題錢崙仙同年慈竹平安圖二首

曾國藩詩文集目錄

一



曾國藩詩文集目錄

寄懷劉孟容

題周小邨前輩塞外課經圖

地用莫如馬二章屈賢也

題龍九詩

贈李生

西征一首呈李石橋前輩

留侯廟

柴關嶺雪

廢邱關

俗雲同年喪妻爲此詩嘗之

寄弟

乙巳春爾爾兼贈士通畫書

讀薛士前靈雲竹歸胎樹堂題詩一首

又贈筠仙一幅

送王子壽歸荊州五首以高步追許由爲韻

送陳岱雲出守吉安

丙午正月二日作

題賞谷圖

送王孝鳳之雲南即題其尊人松菊圖

題錢崙神燕燭修書圖

題孫君采芝圖二首

謝陳慶覃侍御

小池

茲晨

曾國藩詩文集目錄

失題

題泛海圖

秋懷詩五首

詠薛曉颿

送舒伯魯

劉家詩

送莫友芝

題彭旭詩集後即送其南歸二首

丁未六月廿一爲歐陽公生日集邵二窩齋分韻得是字

送黎樾喬侍御南歸五首

題季仙九師采蘭菰菊圖

題朱伯韓詩集後十首

送黃恕皆使秦中

北堂侍膳圖爲姚吏部題二首

題陳氏五世鄉賢遺像

韓齋爲孔舍人題

桐陰消暑圖爲史吏部題

題苗先麓寒鐙訂韻圖

養閒草堂圖爲潘博士題

陶太常小像

會合詩一首贈劉孟容郭伯琛

王母方太夫人詩

贈李眉生

題俞蔭甫羣經平議諸子平議後

曾國藩詩文集目錄

謝王壬秋徐州見贈之作

附校求詩二首

七言古

謝疊山賈卜研爲劉太守題

送後九歸

送楊春皆歸

題毛西垣詩集後即送之歸巴陵五首

題顧南雅先生畫梅應何子貞

傲奴

瑣瑣行戲簡何子敬乞醃菜

反長歌行

題畫蘭三首應田敬堂同年

贈何子貞前輩

題唐鏡海先生二圖

感春六首

爲何大令題明趙忠毅公鐵如意

喜筠仙至即其詩集後

六月二十八日大雨馮君樹堂周君若農郭君筠仙方以試事困於場屋念此殆非所堪

詩以調之

苻農旣和余詩而三子者皆見錄於有司乃復次韻

題明陳忠愍公雪聲堂視爲唐觀察樹義作

題醇士前輩爲漁生師畫竹疊前韻

調岷樵

曾國藩詩文集目錄

八

移居偶成

陳慶覃鈔詩題辭三首

慈紅詩課戲題一詩於後

書朱泉亭家傳後

送周文泉大令之官城武

遠凌十一歸長沙五首

送謝果堂前輩歸江南

題王少鶴篋硃課讀圖

丙午初冬寓居報國寺賦詩五首

酬李生三首

次韻戴醇士邵蕙西見過

題平谷山莊圖

題王麓屏扁舟歸棹圖二首

書嚴太守大關賑糶詩後

送黎樾喬侍御南歸

題張石舟煙雨歸耕圖

太學石鼓歌

題朱伯韓侍御之尊人詩卷手蹟

題饗箕谷圖

答李生

題唐本說文木部應莫邵亭孝廉

贈吳南屏

游金山觀東坡玉帶詩

五言律

曾國藩詩文集目錄

曾國藩詩文集目錄

早起憶九弟二首

得郭筠仙書並詩卻寄六首

寄弟三首

獨出

訪苗先麓

懷劉琴

歲暮雜感十首

桂湖五首

至日二首

雨

送吳英樾之官浙江兼簡魏黃生大令三首

送鄧伯昭兼簡家伯醇秀才三首

與通竹如

東鄰杜氏義塾

送王少鶴

送金竺虔之官閩中

七言律

歲暮雜感十首

寄郭筠仙浙江四首

三十二初度次日書懷

憶弟二首

漫興

聞客話里中近事

曾國藩詩文集目錄

曾國藩詩文集目錄

三

元戎

溫甫讀書城南寄示二首

早發沔縣遇雨

初入四川境喜晴

梓潼道中有懷馮樹堂陳岱雲

早發武連驛憶弟

三十三生日三首

國士橋

哭少時同學某

送妹夫王五歸五首

訓九弟四首

贈梅伯言二首

夜直苦寒

吳宮黃病中屬市鹿尾

臘八日夜直

失題四首

丁未六月七日考試漢教習試院作二首

武會試闈中作

送孫芝房使貴州二首

書邊製石詩集後二首

送梅伯言歸金陵三首

詠李李仙二首

次韻何廉昉太守感懷述事十六首

讀吳南屏送毛西垣之卽墨長歌卽題其集

曾國藩詩文集目錄

五言絕句

讀李義山詩集

七言絕句

入陝西境六絕句

題畫竹次醇士前輩韻二首

送唐鏡海先生九首

壬戌四月沉弟克復巢縣和州含山等城賦詩四首

沉甫弟四十一初度

順性命之理論

君子慎獨論

烹阿封卽墨論

原才

召誨

五箴並序

立志箴

居敬箴

主靜箴

謹言箴

有恆箴

紀氏嘉言序

曾國藩詩文集目錄

曾國瀟詩文集目錄

武會試錄序

錢港欵先生制藝序

黃仙嶠前輩詩序

謝子湘文集序

朱慎甫遺書序

歐陽生文集序

孫芝房侍講芻論序

經史百家簡編序

鳴原堂論文序

王船山遺書序

衡陽彭氏譜序

日慎齋詩草序

國朝先正事略序

重刻茗柯文編序

湖南文徵序

雲槩山人詩序代季師作

錢選制藝序

送郭筠仙南歸序

送謝吉人之官江左序

送周苻農南歸序

送陳倚雲出守吉安序

送唐先生南歸序

送江小帆同年視學湖北序

送劉君椒雲南歸序

曾國藩詩文集目錄

曾國藩詩文集目錄

易問齋之母壽詩序

陳俗雲太守爲母生日讌集賓僚詩序

唐鏡海先生七十生日同人寄懷詩序

朱心垣先生五十六壽序

田崑圃先生六十壽序

朱玉聲先生七十三壽序

王翰城刺史五十壽序

王蔭之之母壽序

江小帆之母壽序

何傳巖先生七十壽序

郭璧齋先生六十壽序

金殿珊先生六十壽序

黃矩癯師之父母壽序

文小南之父七十生日壽詩序

何母廖夫人八十生日詩序

黎樾喬之兄六十壽序

曹穎生侍御之繼母七十壽序

楊母張孺人七十壽序

曹西垣同年之父母壽序

王靜菴同年之母七十壽序

孫鼎菴先生六十壽序

江岷樵之父母壽序

陳仲巒同年之父母七十壽序

季仙九師五十壽序

曾國藩詩文集目錄

台國藩詩文集目錄

求闕齋記

新寧縣增修城垣記

槐陰書屋圖記

養晦堂記

湘鄉縣賓興堂記

聖哲畫像記

畢君殉難碑記

林君殉難碑記

湖口縣楚軍水師昭忠祠記

何君殉難碑記

箴言書院記

修治金陵城垣缺口碑記

靈谷龍神廟碑記

金陵軍營官軍昭忠祠記

金陵湘軍陸師昭忠祠記

金陵楚軍水師昭忠祠記

湘鄉昭忠祠記

江甯府學記

鈔朱子小學書後

書歸震川文集後

書扁鵲倉公傳

書學案小識後

奔王雁汀前體勃海圖說後

書周忠介公乎扎構

曾國藩詩文集目錄

曾國藩詩文集目錄

書儀禮釋官後

經史百家雜鈔題語

大潛山房詩題語

孟子要略敘跋

跋衍聖公孔恭愍公墓志銘刻本

補侍講缺呈請謝恩狀 癸卯八月初四日

討粵匪檄

祭韓公祠文

祭湯海秋文

歲暮設奠告王考文

正月八日王考生辰告文

丁卯四月求降雨澤告辭

廣東嘉應州知州劉君事狀

書何母陳恭人事

漢陽劉君家傳

葛寅軒先生家傳

歐陽氏姑婦節孝家傳

湖北按察使趙清神道碑

江忠烈公神道碑

羅忠節公神道碑

李忠武公神道碑銘

李勇毅公神道碑銘

隨州李君墓表

錢塘丁烈婦墓表

曾國藩詩文集目錄

桃源縣學教諭孫君墓表

武昌張府君墓表

翰林院庶吉士遵義府學教授莫君墓表

鄧湘泉先生墓表

戶部員外郎彭君墓表

大界墓表

台洲墓表

海寧州訓導錢君墓表

新寧劉君墓碑銘

母弟溫甫哀詞

吳君墓志銘

彭母曾孀人墓志銘

余安人墓志銘

陳愷雲妻易安人墓志銘

新化鄒君墓志銘

單縣典史張君墓志銘

前海寧州知州長沙李君母黃宜人墓志銘

適朱氏妹墓志

滿妹碑誌

荊門州學正郭君墓銘

善化夏母楊宜人墓志銘

祖四世元吉公墓銘

國子監學正漢陽劉君墓志銘

錢塘戴府君墓志

曾國蕃詩文集目錄

曾國壽詩文集目錄

崇仁謝君墓志銘

劉母譚孺人墓志銘

湘陰郭府君墓志銘

誥封光祿大夫曾府君墓志

劉君季霞墓志銘

季弟事恆墓志銘

閩浙總督季公墓志銘

仁和邵君墓志銘

張君樹程墓志銘

苗先籬墓志銘

唐確慎公墓志銘

歐陽府君墓志銘

翰林院侍讀學士丁君墓志銘

郭依永墓志銘

羅君伯宜墓志銘

寧津龐君墓志銘

遵義黎君墓志銘

劉忠壯公墓志銘

門人合肥李瀚章復泉編次

遵義黎庶昌葺齋

武昌張裕釗廉卿參校

東湖王定安鼎丞

長沙曹耀湘鏡初校字

曾國藩詩文集目錄

曾國藩詩文集目錄

鹽城後學印鸞章重校

曾國藩詩文集

詩

崑山陶樂勤點校

四言

題楊忠愍公二疏手草

古執無死。曾不可班。輕者鴻毛。重者泰山。楊公正氣。充塞兩間。遺文妙墨。深播人寰。馬市一疏。聲振薄海。更擊賊臣。五奸十罪。心追逢此。身甘菹醢。取義須臾。歸仁千載。翩翩諫草。猶存手稿。古柏擎空。似枯彌好。鬱此英風。輔以文藻。長有白虹。爛茲瓊寶。

題易公筠亭遺像

昔歲在丑。詰人西遊。我作挽辭。比許文休。馬磨既甘。不競不綵。亦有月旦。胸剖九流。東崖奉親。

曾國藩詩文集



朝戲綵舞。暮歸讀書。羣言藻斧。鄉闈屢試。爨無完桐。文章惜命。淚灑秋風。不於其躬。迺祚其子。濯濯芳蘭。芥拾青紫。弓冶不墮。載述先芬。瞻言遺像。永播青塵。

五古

雜詩九首

早歲事鉛槧，傲兀追前軌。張網挈阪維，登山追岷巖。述作窺韓愈，功名郡侯儼。三公滯如梯，萬金脫如屣。腸胃鬱千奇，不敢矜爪觜。稍待蘭蕙滋，烈芬行可喜。豈期擗驚駘，前驅不踰咫。滔滔大江流，年光激若矢。春秋三十一，頑然亦如此。染絲不成章，橘遷化爲枳。壯盛百無能，老蒼真可恥。

穉散吾所甘，多是慚毛裏。西山何鬱鬱，白日馳昭昭。六街淨如練，雙闕凌神霄。沈沈府中居，員井鏤瓊瑤。采芻周四角，窗霧漾蛟綽。公子盛文藻，九陌鳴金鑣。羣從袂成幄，掠風馬蹶驕。紅燭舞絳雪，會宴皆金貂。朝餐羅鯖鯉，晚衙沸笙簫。今夕旣相酢，明日還見招。天高地則厚，何事不逍遙！

手戰不烘煖，足跣不趨徑。問我何自苦？我歌君且聽。激湍無駐波，止水光凝凝。棖棟與檣檣，豈

曰非天定。束蒿代虹梁。於道未爲稱。朝菌濡濃露。天天不及限。適意一須臾。骨朽猶詬病。可憐繁華子。醉夢幾時醒。炫妝豈無服。自媒羞妾媵。已矣吾何營。閉戶覽明鏡。

傷禽悲弦聲。遊魚驚月影。丈夫貴倔強。女子多虛警。強弧有時弛。夷塗有時梗。颶風揚海濤。潮平已復靜。君子別有憂。衆人恐未省。

霜落萬瓦寒。天高月浩浩。美人在何許。相思心如擣。我昔覲美人。對面如蓬島。神光薄軒墀。朱霞蕩初曉。彩鳳儀丹霄。顧視無凡鳥。意密思還疏。微誠不敢道。貽我彤管煒。榮兮希世寶。可憐金屋恩。長門闕秋草。謠詠日以多。觀閱曾不少。寵眷難再得。蛾眉行衰老。區區抱私愛。夜夜祝蒼昊。

天雞鳴半夜。六合未清曉。烏鵲鳴向晨。羽毛誇矯矯。一旦金丸驚。戩翼暗百鳥。鷓鴣流惡聲。萬方憂集蓼。青蠅鳴棘樊。繆彰復虛品。閒鳴百無補。嗟爾秦吉了。蝮蠃草間鳴。亂人徒擾擾。

入門忽怳怳。出門復皇皇。嗟我素心人。各在天一方。庸夫厭鼎食。誼士謀糟糠。奔走徧天下。歸去仍空囊。秋老江湖闊。何以慰淒涼。勿勞我之思。我今足稻粱。所憂非所職。所樂殊未央。日暮登高邱。四顧何茫茫。落葉東南飛。孤雁西北翔。思君不得覲。慘澹詠斯章。

松柏巖危巖，葛藟相鉤帶。兄弟非它人，患難亦相賴。行酒烹肥羊，嘉賓滇門外。喪亂一以聞，寂寞何人會。維鳥有鷓鴣，維獸有狼狽。兄弟審無猜，外侮將予柰。願爲同岑石，無爲水下瀨。水急不可磯，石堅猶可磕。誰謂百年長，倉皇已老大！我邁而斯征，辛勤共麤糲。來世安可期，今生勿玩愒。

誰能烹雋燕，我願燎桑薪。誰能釣巨鼈，我願理其綸。南澗荑蘋藻，可以羞鬼神。大材與小辨，相須會有因。嗟余不足役，豈謂時無人？

里膏

牛羊忽竄突，邨社雜喧騰。昨聞府牒下，今見里胥來。一召募赴戎行，羽檄馳如雷。後期不汝宥，行矣胡遲迴？一老嫗搥胸哭，哭聲亦何哀！一龍鍾六十餘，伶仃惟一兒。弱小不識事，黃犢母之隨。筋力儻可食，或免一家飢。薄命不足惜，兒去傷永離。一老嫗泣未闌，老翁跪致辭。一王事亦云棘，婦人那得知。螻蟻穴寸土，自荷皇天慈。天威有震疊，小人敢疑猜。貧者當敵愾，富者當輸財。便當遣兒去，不勞火急催。所媿無酒食，與吏佐農炊。一貧者勉自效，富者更可悲。隸卒突兀至，誅求百不支。舊舊

紉袴子，纍纍飽饗。前卒食如狼，後隊健如犛。應募幸脫免，傾蕩無餘貲。吁嗟朝廷意，兵以衛民爲！
守令慎其柄，無使胥吏持。此輩如狐鼠，養秦肆恣睢。聊爲適人徇，敢告良有司。

送吳榮楷之官浙江二首

讀書三十年，今來始一試。自抱輪囷材，構厦隨所置。世人苦寒儉，舞麈先擇地。斤削不能遷，器
盍各自器。君子儲百用，多藏如列肆。深厲與淺揭，所向皆如志。君本青雲士，塵空排健翅。置之承明
廡，枚馬當偃轍。才多厭閒散，翩然去作吏。方今清華秩，駢拇僅云備。不如膺專城，張弛從吾意。觀魚
莫結網，網過酷於餌。治絲莫求多，緒多亂神智。聖朝論治恩，陬澨實漸被。可憐蚩蚩氓，惇惇還好義。
願君愷弟思，隨時勞撫字。

西湖吾未到，夢想若遇之。荷花夏如海，當春萬柳垂。秋月隨潮湧，暮霧天無涯。三百六十寺，嵐
翠渺迷離。君去事幽討，抉剔發天倪。餘慳收昔遁，奇賞獲新知。朝餐吸山綠，暮雨張水嬉。尋碑嗅梅
蕊，獨往無人隨。政成無一事，風流方在茲。懷抱一如彼，江山復如斯。此樂可持贈，寄我千首詩。

鄉閭昔相從，殷勤託詩酒。再來長安道，舟車竝攜手。如今彌曠遠，脫然絕窠臼。少年尙意氣，摩
麟各自狃。風塵飽所語，蒼然皆老醜。激湍亦已平，真氣充戶牖。相見無藩籬，灑落真吾友。昨夜秋風
來，嫋嫋涼生柳。念子當乖離，旁皇如失守。萬族各有營，歡聚焉可久。意趣苟無違，秦越如左右。後會
知何年，今茲歲在丑。

題錢崙仙同年慈竹平安圖二首

冉冉清山竹，柯葉互檀欒。上有一片雲，下有九畹蘭。清風相戛擊，虛碧鳴秋寒。鈴璅走輻散，抗
衡勁節干。養成兩雛鳳，文彩何珊珊。高枝足棲宿，芳實供朝餐。歸昌忽采律，言振九霄翰。引吭發鈞
奏，俯視失鸛鸞。卻麗質營谷，依舊青琅玕。年年託美蔭，歲歲祝平安。

紅塵日夜深，遊子思無已。倦鳥有時還，桑弧有時弛。我有山中廬，僅籬夾綠水。修竹倚大椿，重
重互蟠纏。發條播芳蕤，清陰亦何美。依戀會有因，庶往恭桑梓。殷勤寸草心，區區方在此。

寄懷劉孟容

清晨采黃翰，薄莫不盈襖。甯知弟昆好，忍此四年別。四年亦云已，萬事安可說。昔者初結交，與世固殊轍。垂頭對燈火，一心相媚悅。炯然急難情，熒熒光不滅。漣濱一揮手，南北音塵絕。君臥湘水湄，辟人苦扁鵲。懷璧誤一投，已遭官長別。我作燕山囚，衾襪冷如鐵。塵土塞中腸，經旬間滙泄。夢魂互往還，邂逅在躊躇。君魂畏豺虎，我魂阻蛇蠍。明年會長沙，對牀殊啞啞。可憐郭生賢，日夜依我闕。三子展殷勤，五旬恣猖獗。自從有兩儀，無此好日月。決渠東西流，人事有蹉跌。當時別江干，懸知成久闊。郭生從我行，再踏長安雪。束蒿實廊廡，塗丹強作闕。磬松困澗底，千歲老不屈。行藏一以歧，會合焉可必。知君障污塵，憎我逐煩熱。摧蘭擣作麪，本繫固難奪。皇天造羣倫，位置各成列。煌煌帝者都，峨峨集勳閥。前庭充組圭，後閣煖清瑟。大馬疾如飛，高車如電掣。陋巷時騎過，牆震窗紙裂。而我支肘眠，朦朧兀頑劣。視蔭呼晚飯，終年曾不缺。癡兒亦肯堂，四齡已饕餐。所愧偷太倉，無異哀窮乞。羨君老巖阿，閒味甘於蜜。嗟哉趣豈殊！所處良不一。坦蕩觀皇途，轉側思家室。永懷素心人，悠悠難具述。

□ 題周小邨前輩塞外課經圖

肉食多亨途，通儒造百閔。時蹇心匪乖，身窮道未寤。周君信奇孩，天機苦捷敏。昔歲乘青驄，羣飛畏秋隼。偶被金丸驚，可憐翠羽隕！十年遼海行，九月邊風緊。銅雀夢舳舨，鐵衣錦纜純。自信茲遊豪，甘受世人哂。日日抱叢書，森森如束筍。吾道儻欲東，獨善良不忍。此邦盛球琳，多士紛駘菌。斧斤試一施，穀率聊可引。弟子初反車，先生大倒囷。文圍張百旂，經畝接千畛。但期道傳薪，未要歸載糶。昨者唱刀環，塞外回文軫。勝事告友朋，餘味足咀吮。方今柄師儒，華秩半卿尹。虎觀車如龍，辟雍市如屨。會看招旌旆，且須嚴韜躬。稽古榮復榮，吾言非蠢蠢。

□ 地用莫如馬二章思賢也

地用莫如馬，越險思驍騰。豈無汗血種，相求亮未曾。萬鍾繼稟粟，千金鑿鈞膺。隆儀苟一闕，騏驎休漫稱！

人用莫如龜，幽室能廢燭。告猶儻見從，外侮敢余毒。從短翻棄長，惜哉支牀足！良無藻悅登，不如塗泥辱。

題龍九詩

李唐盛聲律，初響鏗華鐘。逮及下衰時，切切鳴寒蟲。扶輿發朝氣，百彙躍麟龍。缺月夜騰光，不與東昇同。秋霜入科木，色黯蓄與蓬。文章說心腑，本不從窳隆。能者自植立，餘子靡隨風。孰於衆昏媿，玉振開羣聾。君才美無度，大圭宜廟中。君詩如春融，秋爽亦自工。肉好用爲賢，塚刻生芒鋒。南轅斐然作，山水滌襟胸。雜什多末筆，略可芟靡茸。要道鏗不舍，金木隨所攻。且況力肯窮，奧阼辨西東。終然到聖處，今古誰雌雄。

贈李生

生名嗣元，是科四川十九名，余在闈中，最賞其文，揭曉來謁，則神清似郭筠仙，愈傾愛之，看書亦不少，真美才也。年廿二歲，因作古風一首贈之云。

岷山萬仞雪，太古人迹稀。中有窈窕谷，綠蕙芳以菲。幽芬亦已鬱，賞識方庶幾。澗邊棘荆滿，山

上春草肥。託根亮同地。豈辨誰是非。地亦不能易。香亦不能飛。忽逢荷樵子。采擷盈裳衣。臨行再三嗅。俯仰情依依。由來有臭味。不必崇知希。

西征 呈李石梧前輩

我昨賦西征。熾熾實朱夏。烈日焚八荒。息影無寸暇。孱體甘所侵。炎威肯少借。一病罹百艱。煩煎竟日夜。夙昔傷勁弓。聞弦神已怕。壹志事呻吟。魯儀任嘲罵。瘡痍難指名。熱寒互嬗謝。粒食經旬辭。况能問燔炙。帶月方首塗。參橫未云罷。顛簸笱輿中。磋磨破腰胯。奴子蒼黃詢。庸醫再三詫。猛烈肆造攻。云當一戰霸。惡毒雖已鋤。良苗亦失稼。隔且噓其疲。無復平生咤。皮皴面有窪。耳聾氣愈下。慘澹過潼關。沈昏渡清灞。赫赫李中丞。銚銚范韓亞。老鰥臥三邊。犬羊敢狙詐。聞我至驪山。材官百里迓。秋雨長安邸。征鞍庶一卸。旅魄頗飄搖。公來百慰藉。遣僕炊香粳。呼僮伺館舍。徵醫未辭頻。饋物不論價。古韻暖於春。美言甘於蔗。我魂稍稍旋。望蜀仍命駕。裹藥充篋筐。買餼養嬰姪。漸覺身能輕。如馬脫羶靶。吾固慶生存。衆難亦嗟訝。燕譽多親知。艱難少烟燭。永槐夫子賢。高情壓嵩華。賤子

不足於西人實沾化。

□ 留侯廟

小智徇聲榮，達人志江海。咄咄張子房，身名大自在！信美齊與梁，幾人飽敵醢。留邑茲巖疆，亮無懷璧臯。國仇亦已償，不退當何待？鬱鬱紫柏山，英風渺千載。遺蹤今則無，仙者豈予給。竭來瞻廟庭，萬山雪皑皑。赤日巖中生，照耀金銀彩。亦欲從之遊，惜哉吾懶怠！

□ 柴關嶺雪

我行度柴關，山光驚我馬。密雪方未闌，飛花浩如瀉。萬嶺堆水銀，乾坤一大冶。走獸交橫奔，凍禽竄荒野。揮手舞巖巔，吾生此瀟灑。忽憶少年時，牽狗從獵者。射虎層冰中，窮追絕壁下。幾歲馳虛名，業多用逾寡。久逸筋力頹，回頭淚盈把。

□ 廢邱關

項王西入關，叱咤何雄哉！鼻息撼山岳，號令如轟雷。分茅割大地，駕馭英雄才。六王既立後，三將還西來。降臣剖符竹，洪度方洞開。廢邱亦善地，百里關蒿萊。桓桓章將軍，伉伉貔虎材。奸豎主權輿，大將終疑猜。望夷不足惜，此類良可哀。行人一長歎，萬壑悲風迴。

□ 岱雲同年喪妻爲此詩警之

陳君喪厥妃，善愛世無有。情至生幻機，有夢造王母。紫殿何言言，衆星挂戶牖。穆滿翔其旁，方朔戲其後。陳某蟻蝨臣，昧死訴左右。彼有何德功，鸚鵡到白首。此獨何罪辜，生世不少久。剜肉補其天，於德未爲醜。食貧八九年，辛勤足梁筍。何孽之難道，斬刈如惡莠。王母返袂泣，倉皇頗怩忸。方朔跟蹤出，曰余不執咎。衆生自生滅，非神有官守。高秋金氣肅，萬葉同衰朽。朝落非獨殤，夕脫非獨壽。皇天了不知，無人司薄厚。不見狼狽女，蓬頭雙足垢。一生不洗左，媚夫稱佳偶。亦有綠林豪，掠人如雞狗。堂前妖姬舞，堂下鬼妾走。彼雖得偕老，於君意可否。此雖中道捐，名聲極萬口。令妻果然令，何必在駘者。惡妻不可言，牀第森械扭。陳君翻然覺，再拜謝善諉。歡喜不復愁，逢人但索酒。

□ 寄弟

昔我初去家，諸弟各弱小。阿季髡兩髦，覩人眸子瞭。後園偷棗栗，探升極木杪。叔也從之求，拊我謂我矯。分甘一不均，戰爭在毫秒。余時輕別離，昂頭信一掉。老弟沉重感，樂多憂愁少。瞥然成六秋，光陰如過鳥。世味一飽嘗，甘心厭荼藜。夢裏還鄉國，溝涂苦了了。朝企恒抵昏，夕思或達曉。君詩忽見慰，迴此肝腸繞。生世非一塗，處身貴深窈。衆萬奔恬愉，聖賢類悄悄。二陸盛拔張，鶴唳悲江表。夷齊爭三光，豈不在餓殍？我今寄好語，君聽其勿藐。一願先知命，再願耐辦標。

□ 乙巳春闈謝戴醇士前輩畫竹

余少淪賤貧，學書等畫墁。中歲偷太倉，誤爲金紫絆。文字雖所攻，淺嘗不能半。邇來又十年，拋棄如土炭。豈謂選佛場，謬來事襄贊。列仙盛瀛洲，腰魚何璀璨。禁院局重根，沈沈宮桂觀。鍵戶無一營，馳箋鬪豪翰。蘸藍掃秋葉，斯須復堆案。衆雛亦好事，奔命極雨汗。戴嵩聖雲孫，三絕天所歎。干謁

填其底，鐵門說三換。場來困棘闌，逢人句脫腕。爲余寫新竹，風筠兀繚亂。呵壁呼老可，筌索何足算？我雖不解畫，者古頗知岸。但得琴中趣，何必工抑按？爲報青琅玕，微詩庶一粲。

□ 請醇士前輩畫竹歸貽樹堂題詩一首

孔翠閉雕籠，失羣忤本性。懷我如玉人，三旬闕賓敬。老醇今鄭虔，支離頗自聖。余爲揚其波，畫詩極輝映。寫此貽君子，持將作寶鏡。筠以喻其文，幹方晚節勁。桃李漫紛紛，語君勿與競。物外求交知，塵中關幽食。

□ 又贈筠仙一幅

人生有乖隔，咫尺成關山。我心日百轉，從來輸石頑。日吾語戴侯，君在張李間。爲君畫新竹，幽澹不容攀。我家雙谿上，萬竹圍沙灣。涼夜幽篁裏，月冷水潺湲。行攜子僧隱，鹿豕相往還。詩名滿天地，蹤跡混塵菅。

送王子壽歸荊州五首以高步追許由爲韻

冠組墮塵海，與世日滔滔。豈知魯連子，脫身美遯逃？十輩蝸與鷲，跳跟不能高。黃鵠冥一舉，大地如秋毫。

揮鞭拾科名，咄嗟踏天路。四十非不彊，萬卷非無具。尋直如可期，須臾得少駐。側聞馮潛郎，靡屑守故步。

盛年窟闕輔，結客頗支離。負米半天下，有婦愁朝炊。詩名滿湖海，持是欲安之。菰中一漁笠，懷哉不可追。

天人互轉旋，時勢有虎鼠。結交貴結心，甯當變寒暑。可憐拙匠斤，謬被獲人許。一杯君強酬，無人解觴汝。

皇明燭八極，小范臥西州。嗟君老從事，招招豈無舟？廢興難可道，時來不自由。投竿要強起，何代無馬周？
(王君嘗爲林少穆制軍幕府從事)

送陳岱雲出守吉安（有序存文集）

驪駒且莫噴，我歌始一放。憶昔初逢君，漢濱俯高浪。同拾春官第，天門踞闕閱。射策干羲軒，挾神一何王。君喁我斯子，躡履星辰上。雙鳥不分飛，短翎實所傍。借屋兩頭居，嬉遊不可狀。六月寒瓜肥，嚼冰滌府藏。劈半持作冠，狂呼極跌宕。秋雨催歸人，膏車各南向。長沙攝君廬，入門刪三讓。拜母升後堂，排筵倒家釀。明歲同還朝，百扶接居巷。朝餐或來過，夕渴還相訪。問學商米鹽，經綸說魚醬。驅驢駕雞棲，似狗頗茁壯。有餽例宜塵，無衣安用桁。我道夫子賢，世人或嘲謗。世人病我頑，夫子憐其誑。袍笏雖支離，貌卑心則亢。平生企高遐，力微不自量。樹德追孔周，拯時儷葛亮。又兼韓歐枝，大言足妖妄。夫子不予譏，和高越初唱。洽比三四年，爲權亦云暢。卯歲夏之中，九門盛炎瘴。君實罹其災，一病月三望。毒熱轟外疆，客瘡兀中脹。有婦賢且勤，籲天事供養。背分苟令涼，饘進冀缺餉。剜肉補其天，有神實克相。緊我相扶持，計窮屢快快。國工吳（竹如）與鄭（小珊）調齊妙心匠，鬼錄不見收，人謀信可仗。由來福與禍，茫茫自天貺。時月無幾何，中饋遘死喪。我時匍匐救，倉皇事摒擋。

黃口抱呱呱，稽首別總帳。移巢翼其兒，室毀子無恙。良人匪頑石，焉能缺棲館。傾家營奠齋，淚河送反葬。我謂君已愚，稽經懼失當。君謂情自纏，誰超六塵障。展轉彌再期，病貧互摩盪。南望問尸糞，儲糧不盈盎。摧腸與蹙眉，萬端欲誰諒。一朝被殊恩，千髮始滌蕩。士窮守艱危，時來類放曠。爲君述前慶，在莒慎無忘。報恩不在他，立德乃可尙。丈夫要努力，無爲苦惆悵。

□ 丙午正月二日作

蹉跎三十五，聞道其既晚。去日良已富，來程亮復遠。自從伊閭亡，大道閉元鍵。有誓不識珠，賣珠事駢蹇。微數陳豆蓬，小知辨蜣蟻。迂腐譏淵養，空疏誦商偃。前者激波瀾，後者恣鬪很。大江日滔滔，衆人死婉婉。誰能抱孤芳，寂寥守舊曠。通經不達時，失身下豬圈。嗟予局咫聞，亦不工啗噉。非仁不敢祖，非義豈嘗本。所學誠流俗，攀躋但分判。不挂高明眼，讖評肯少損。民各有依倚，吾寧變愚悃。文字局絨滕，經綸在房栊。浩蕩冠蓋場，一心自嘉遯。聊用陳區區，夢魂庶謐穩。

□ 題箕谷圖

大雅卽高詠，耽隱青山岑。手折實菴枝，鏗爲琅玕音。松風石壁高，管霧林霏深。幽幽人不知，獨鶴明孤心。

□ 送王孝鳳之雲南卽題其尊人松菊圖

累世無咎繇，冤民塞九縣。數苦危衆魚，吞舟不加譴。王叟邦之良，溫恭少側弁。獄吏一牽連，秋毫忤雷電。田甲時見陵，馬遷莫相援。盆底無吳天，荷戈出摩甸。萬里蒲蠻道，征人淚如霰。廿載餐氈糜，衣無故時線。回首望家山，柴桑信所戀。老松儻無恙，叢菊向誰綯。有子鏗華鐘，蜚聲震金殿。武庫羅其胸，干將思一剗。誓上繹縑書，不乘長卿傳。一麾首滇南，征心己如箭。預想王坦之，初覲懷祖面。抱持至膝上，悲喜集一見。萬事如浮雲，滄海日千變。獨有骨肉離，重逢真可羨。明歲唱刀環，權聲若雷作。歸食武昌魚，比鄰張高宴。鳳詔喧里閭，純孝迴天眷。不學朱壽昌，徒登獨行傳。

□ 題錢崙仙難燭修書圖

腐叟苦塵湮，千載無完史。斷代自班生，夔嵬破大體。茂先賞三志，編摩或索米。舊書留覺瑕，但爲吳生詆。數賢不足珍，餘外況磨靡。聖代盛文章，羣英躡前軌。殷鑒曩成編，唐經今繼美。磊磊南董倫，影纓足幡纒。錢子邦之良，弱冠掎金紫。涇渭原胸中，袞鈇極筆底。朝踏東華路，柴車等敗屣。夜歸南窗下，椽燭照大几。一字褒幽潛，片言殲姦宄。曲直在豪端，誰能矜爪鬣。我亦載筆臣，大弻久復弛。三載糜官錢，餽塵亦莫洗。披圖聊粲然，作詩一洒恥。

□ 題孫君采芝圖二首

孫君名葆恬，字邵吾，善化人。嘉慶己卯舉人。道光六年以大挑選桃源縣學教諭。芝房侍講之父也。

乘羽工飛簫，先生獨摧挫。十載桃花源，寒飈屢告破。古木發深彈，從來拒俗和。采薇臨殷頑，餐英補楚些。自擷三秀芝，窮年振寒餓。豈謂人事乖，悠悠卽長臥。掇草求長生，無靈欲誰那。長是拜畫圖，千秋聆咳唾。

少室吾黨英，儲能實完好。韶齒殊不廉，閒偷仙人棗。航海探琪花，踟躕踏三島。根本良已深，衆芳信在抱。言采幽蘭歸，種作階前草。上有竹修修，下有清風掃。竹節寒逾堅，貞心永難老。風暖扇餘馨，繁香滿穹昊。

□ 訓陳慶覃侍御

赤水沈元珠，千年遲象罔。君子迴深眷，翻然辱旌獎。馬走那解詩，鉤章事鹵莽。秋蟬挂高柳，風過自成響。豈意師曠聰，偏聽發謬賞。維君堅高壘，無人敢掉鞅。筆端一縷香，百靈通肝鬢。方今隆棟穹，伊巫擁天仗。巢燧無闕遺，無處著爛彊。以茲得雍容，閒吟寄慨慷。有書亦盈牀，有沽亦盈盎。六宇自冥冥，湫塵莫予網。請君拊麤石，予亦擊堯壤。

□ 小池

屋後一枯池，夜雨生波瀾。勿言一勺水，會有蛟龍蟠。物理無定資，須臾變衆寡。男兒未蓋棺，進

取錄鮑料

□ 茲晨

茲晨曷不樂？端念良自尤。自吾有爪觜，半啄匪躬謀。俯視見后土，仰視見光浮。關門赫婢僕，雄長如諸侯。專精事羹飯，餘政及乾餼。兵後物力絀，平世生齒稠。人人似我飽，實重黃屋憂。吾皇惕昧爽，彼相爭前籌。聖者自危厲，愚者自優游。大哉六合內，人類難等儔。

□ 失題

西山一夜雨，秋氣入庭除。清晨展書坐，愴然樂有餘。天宇一何廓，蕩蕩真吾廬。熇熇夸毗子，守隘無曠居。衆鱗爭坳潦，蠶髮安得舒。豈知逃閒寂，放蕩得尾闕。吾樂正如此，君樂復何如？

□ 題泛海圖

昔我權瓜州，金焦望淺淺。靈山咫尺間，不得窮醜醜。還家述遊蹤，高堂一笑莞。江湖險可吁，泛海況不懸。撫摩慰驚魂，輒脚呼盤饅。由來慈母心，險夷最所揀。孝廉本儒衣，文章富編刻。胡爲涉遐思，浮海窮規轡。有母足慈悲，奉佛信瑟調。共道洛伽巖，實惟仙藥產。神人渡迷津，福汝能簡簡。虔禱或有憑，孝思本無限。圖此塞寸誠，靈心聊結撰。何知妄與真，雲濤紛滿眼。

秋懷詩五首

木葉下如雨，西風吹我衣。天地氣一肅，回頭萬事非。虛舟無抵忤，恩怨召殺機。年年絆物累，俯仰鄰詬讖。終然學黃鶴，浩蕩滄溟飛。

蟋蟀吟西軒，商聲方茲始。小人快一鳴，得時亦如此。大澤藏蟄龍，嚴冬臥不起。明歲澤九州，功成返湫底。吾道惡多言，喧囂空復爾。

吾愛邵夫子，（謂仁和邵懿辰）古之三益者。鑿鑿攻我瑕，不隨世人啞。薄俗尊文章，吾亦事苟且。赫赫揚子雲，末途裂於瓦。再拜謝譏人，斤斧行可捨。

城頭昨宵月，今夕虧其圓。丈夫矜小節，一缺誰復全。蝸廬抱奇景，高視羲皇前。蒼蠅斲尺璧，江漢難洗濁。馬融頌西第，今爲時所憐。

吾友劉孟容，遣我兩好書。三年不報答，幽怨今何如。深山闕大寶，光氣塞州閭。樊英履壇席，名業箕斗虛。補天儻無術，不如且荷鋤。

□ 訓薛曉颿

大谷闕幽蘭，由來習霜雪。摧挫彌歲年，歲蕤減昔悅。本性誠未移，芬芳詎可滅。時物一爲遭，適爲吳人擷。會合亦有宜，廢興固難說。旁有荷樵子，殷勤事奉禰。出山嗅懷爽，餘馨亦未輟。臭味良有然，非渠獨明哲。

風騷難可熄，推激惟建安。參軍信能事，聲裂才亦殫。寐寔杜陵老，苦爲憂患干。上承柔澹思，下啟碧海瀾。茫茫望前哲，自立良獨難。君今抱古調，傾情爲我彈。虛名播九野，內美常不完。相期蓄令德，各護凌風翰。

□ 送舒伯魯

神駒秉清峻，墮地凌無前。男兒志萬里，亦在華妙年。舒生吾楚儁，結髮疲丹鉛。內外承嘉蔭，託根魁斗躔。迎婦范陽府，結客彌幽燕。遂來窟京輦，滿月彎鳴弦。謂言拾高第，如撥牀頭錢。人事有奇偶，虎鼠非吾權。文章不減媚，例爲時世捐。芝蘭合鋤刈，朝菌香徹天。可憐壯夫志，摧滅終不遷。時時造我闥，屏虛商詩篇。高吟動厚地，幽思繼重淵。維桑古有敬，况此接才賢。昨來忽告別，歸意何翩翩！寢門疏定省，肯爲世網牽。一鳴不稱意，脫去如鷹鷂。趙孟等閒事，難者參與騫。馬走盡此間，歲月遂風類。謀歸百不勇，送女聊自贖。

□ 劉叟詩

新寧江君忠源，予之執友也，數爲予稱其邑孝子劉叟者。道光丁未，經年齒六十，江君求予以詩揚其行，爲老人光悅。且以風里人，夫甄采畸德，作獨行傳之長，編史氏之任也。嘉善而

懲不能，勸一而勵百，亦士大夫有風俗之責者事也。故爲之詩歌，遠貽劉安。安名某字，某實

縣學生。

金峯萬山曉，劉安巢山椒。邦人所賓禮，與山兩岩巖。天窮苦無告，孤露初及髻。傾家樹四壁，馬磨風蕭蕭。朝餐或取盞，夕飲恆賭瓢。子衿式學省，童冠各在招。束脩斂薄少，歲穫償裘襦。上堂奉甘滑，入室馨脂膏。一噎三咻摩，一食再溫。蒸梨或忤志，捐斥無寬條。嬰兒抱酷愛，畢世非一朝。白日不東返，孝養隨瞥飄。所餘栢與椿，傍身市瓊瑤。觸時即子卯，有竇如春潮。仰供不知劬，俯畜安能饒。舉家浩鵝雁，妻餒兒號宵。維窵不鹵莽，長短與量料。紉箴教補裂，呼粥權意囂。鄉鄰敬其誼，百里無飛鵝。長官式其賢，唾息不敢驕。噫乎血氣倫，報本義所要。人紀有乖沸，茲實懸之杓。惠迪經所訓，物理亮非遙。感歎遂成詠，庶以風鄙澆。

□ 送莫友芝

豪英不地囿，十九輿徧邦。斬崖撥叢棘，往往逢蘭芷。黔南莫夫子，志事無匹雙。萬書薄其服，廿

載幽窮鄉。今年偶作劇，射策來都堂。青鞵側破帽，日繹書買坊。邂逅一相遇，揖我謂我臧。劉郎吾庸敬，好事迷短長。炙酒頰君頰，亦用沾我腸。微瀾時激引，稍稍觀濤江。可憐好手眼，不達時溫涼。果然被捐斥，鋤刈不成芳。誰能尼歸駕，飄若驚鴻翔。我時走其廬，深語非淺商。次及蓼莪痛，老淚何浪浪。嗟念亦心性，內刺能不降。賓然拜牀下，十分肅老龐。關山有乖隔，人事不可詳。萬里共日月，肝膽各光芒。作詩勗歲莫，亦以勸劉郎。（劉郎謂朱雲。）

題彭旭詩集後即送其南歸二首

日日送歸客，情抱難爲佳。老彭復去我，內撫焉所偕。往予初遇子，睇睚無等儕。鷹眼迴高秋，勢不甘塵埃。自言困鄉國，橫被口語猜。絳侯畏牘背，田甲欺死灰。脫身來洛下，稍攝驚魄回。風波一震薄，萬事何有哉。雄篇忽枉我，峻句何崔嵬。險拔肝膽露，憂患才地開。終然達紫氣，幽獄難可埋。男兒要身在，百忤甯足摧。臨歧不知報，努力乾深杯。

大雅淪正音，莎晉實繁響。杜韓去千年搖落，吾安放涪麥。差可入風騷，通於蠻造意。追無垠琢辭，辨

僂疆伸文採作縮。直氣摧爲枉。自僕示滂公。時流忻頗嚮。汝復揚其波。拓茲疆宇廣。大道闢榛蕪。中路生罔兩。孱夫阻半途。老大迷歸往。要當志千里。未宜局尋丈。古人已茫茫。來者非吾黨。竝世求人難。勉旃各慨慷。

□ 丁未六月廿一爲歐陽公生日集邵二寓齋分韻得是字

譙飲非吾欣。十招九步起。豈不耽羣歡。未諳諾與唯。今日飲邵侯。婆娑辦一喜。多因坐上賓。可人非俗子。梅叟（伯言）名世委。蕭然紅塵裏。蟬蛻三十年。萬事如脫屣。獨留文章性。真好無遷徙。頗獎歐陽公。時時挂牙齒。後者開曾王。前追韓與史。自姿持此論。斯文有正軌。二三邦國英。風流相依倚。持斤向老鼻。郢門欲成市。邵侯宏其波。嶢嶢見爪髯。時作好事人。排蕩詩酒理。長安三月雨。炎威方一弛。洗醴招近局。衆賓稍填委。尙想老醉翁。茲辱實攬揆。展圖拜光儀。焚香追無始。餒鱗初在嘗。良琴復動耳。跌宕宇宙間。嚶嚶亦未已。鄙人實昏頑。百非遘一是。麋鹿生野性。謬來紳金紫。紛華一落溘。精光半銷毀。常恐道未開。殞身同螻蟻。苦緇六一公。終古長不死。名位匪絕人。所貴不關彼。

作詩謝邵侯，梅笈竝送似。

□ 送黎樾喬喬侍御南歸五首

時歲善適邁，煩襟無少舒。秋色滿大地，良朋遠去予。十年聚京輦，竝頭相胸濡。深言洞金石，密意安綦綯。傾歡酌家釀，鐙火照狂愚。不能久依依，脫棄如鷲兔。民生各時令，進止非人圖。物自持其末，吾自敦其初。高秋天萬里，浩蕩一春鉏。

平生秉微抱，志與詩騷親。孤音裂肝膈，劃然震乾坤。持用告庸子，舉世襲不聞。先生有妙鼻，容吾揮一斤。賞妍越恆理，逐臭詭奇芬。高歌切哀玉，吹我上青雲。多譽墮盛德，雖然豈不仁。文章事微薄，在物未爲珍。秋豪較得失，老死相斷斷。從今漑根本，破硯吾欲焚。

萬歲行滔滔，後水逐前水。今古數達官，河沙不可紀。生存勢薰天，死去飽螻螻。達人計深長，誓不欲穠糗。嗟余本野性，邂逅絆金紫。尺寸無功能，高明畏神鬼。雷同溷太倉，或恐損廉恥。倦羽企歸風，余亦行休矣。筐筍輻松秧，從君萬山裏。

逆夷昔爛漫，兵甲禦南東。殺人餉蛟鱷，大海爲之紅。君時卽我謀，雪涕向蒼穹。夜半草萬言，朝奏甘泉宮。道謀復旁午，羣策雜昭聾。聖擇有姑舍，神斷自天聰。自獻雖不效，義憤侔賈終。事往一回首，人各發蒼蒙。所貴中無疚，焉計達與窮？

洞庭天下闊，清傑橫六宇。中有兩佳人，乃是淵鶻伍。湖北字茱雲，南曰孟容甫。厥氏同劉宗，神明本漢祖。實惟吾友生，交期澈肺腑。乖隔漫關河，夢魂奔越苦。朝憶便成昏，夜思或達午。此士臥深山，靜氣卻豺虎。君去儘尋求，夙鯁還一吐。物外得真遊，方寸能歌舞。

題季仙九師采蘭莖菊圖

靈儀耀德輝，昌期偶一造。翮羽時倦飛，丹穴仍高蹈。吾師生民傑，瑩粹邁珪瑯。文章養其原，木雞極啄菽。詩老昔采風，滇海蒸英髦。聖皇豁四聰，惇樸信所勞。文軫馳西南，武庫職旌纛。夷然鎮廟堂，羣士息浮躁。秋月照琴心，忽理思歸操。東籬菊正肥，南陔蘭可采。翩然謝綦簪，巾車已復賁。小子乘屏薄，門牆備灑埽。追隨漫十年，未洗緇塵眊。稻梁逼旅懷，詩禮荒庭誥。賦詩鑄此心，搖搖如植翹。

□ 題朱伯韓詩集後十首（以「才難不其然有亦未易識」二語爲韻）

雞鳴足朝莫，陰曠終不開。高秋戰寒夜，四壁轉風雷。有客投明月，驚顧非凡胎。古人亦已矣，吾猶及此才。

稂莠驕復驕，桃李閱無言。堂堂魏長史，畫籌壁上觀。丈夫有深意，出手無俗彈。恆沙閱人面，相識良獨難。

明珠伏濁浪，能媚不能流。碩人力如虎，折節師溫柔。肝腸自骯髒，面目自伊優。再拜問君子，此可言詩不。

金陵昔蝟血，裂皆激靡波。事過付東風，杳杳如故時。豈非吾輩恥，痛鉅不可思。三更荷戈起，四問夜何其。

東家老鼻祖，詔我三百篇。造詞如日月，萬古趨新鮮。竊人者無恥，自得斯爲賢。鄙夫目論爾，君爾然不然？

吾子如春陽，照臨列枯朽。我亦無所知，我亦無所有。頗好感事詩，善歌敵隳腹。歲晚脣又乾，君須濡我酒。

吾國有狂生，白眼善彈斥。（謂益陽湯鵬）稱子實無朋，許子曰頗亦。中途生波瀾，生死長乖隔。青山一杯土，永埋壯士魄。

桂林天下秀，生才雅且毅。有美王與龍，虎視令人畏。（謂馬平王錫振臨桂龍啟瑞）誰道儒誤身，等閒拾富貴。平津老封侯，君今齒尙未？

甚矣吾其衰！百思今廢置。平生所好賢，支難背時利。明鏡承食漿，士將不一試。天高帝闕嚴，薦送談何易？

舉世禮邱軻，貌尊非心卽。草元二千年，今無一人識。思之復思之，粒粟開八極。君試騰汗漫，我當借羽翼。

□ 送黃恕皆使秦中

輦轂蜂房聚，萬人局閉牢。脫身得出走，塵鞅方一逃。黃君吾黨彥，闇默謝羣賢。持節下關隴，太華秋氣高。西北收功實，自古產英髦。聖朝枋儒術，土室始深韜。三徵臥不起，四字爛天衷。張呂去云久，餘緒猶可縲。丹穴鳳所都，翬葉無凡毛。猗蘭豈不馥，所貴采擷勞。三洗人天眼，往觀大海濤。播盡波底蚌，明月終在遺。先民有遺紹，邂逅入甄陶。歸來謝天子，亦用誇吾曹。爲已辨繁輔，與世置襲臯。

北堂侍膳圖爲姚吏部題二首

脫葉辭喬柯，迴旋依舊曉。行役有乖違，梓桑終繾綣。姚君虞舜裔，純行亞珪琬。伯瑜陳采服，下堂自婉婉。一從通朝籍，鄉關日已遠。浮雲有東西，遊子不得返。

樹蘭服衆芳，誰能忘根本。爰圖聖善容，慰此深愛悃。嘉魚初在烹，新筍欲盈案。不惜求取勞，但虞珍膳損。魏闕身事羈，南陔歸夢穩。移孝出忠勳，邂逅還補袞。

題陳氏五世鄉賢遺像

純皇撫九有，至文耀天樞。詔舉明經士，四皓來于予。介休薦梁竇，江南顧與吳。陳公實稱首，人中見騶虞。峨冠長太學，魯國始一儒。洪河無近脈，崑山玉所都。三朝襲令緒，四世表其閭。鑿維聖舜胄，家聲自古初。義門翁惇穆，太邱世簪裾。門風不復墜，繼踵踐天衢。金篋澤易斬，君子席詩書。瞻言禮遺像，杖几如何趨。聊表先民軌，一爲薄俗模。

韓齋爲孔舍人題

西京大雅淪，斯文日凋敗。天不喪周孔，使人續警效。韓子與中原，聖言始有賴。孤竅吐雄奇，金聲塞兩戒。時於薰蘭室，中出蛟龍怪。迴首視齊梁，有作頗衰憊。一從茲塗闢，來者方雲會。豪彥仍響臻，歐曾得兩大。聖清炳昌運，方桃實孤邁。魯窆有雲孫，耆古百無懈。齋祓奉烝嘗，但下昌黎拜。大書榜其室，夙莫見善蔡。誰云千載遙，神理與鍼芥。湜翔漫親炙，相夷等自郤。

桐陰消暑圖爲史吏部題

炎曦灼大地，蠕蛟同烹煎。有生奔末利，擾擾不遑安。史君靜者流，置身巢燧間。綠天展珍簾，桐葉生虛寒。煮茶激清吹，拂箔迴微瀾。客來戒不報，塵事莫相干。頗亦哀老子，佳眠未渠闌。

題苗先麓寒鐙訂韻圖

大惟久淪歌，正音委榛蕪。永明肇四聲，稍變周漢模。開皇集八士，牙曠相飾擗。夜半畫綱紀，韻學茲權輿。承襲一千載，灌莽成康衢。韓公頗好古，枉啜六經腴。放者騁遊騎，斂者如轅駒。進退失所恃，不得返皇初。有宋盛文藻，才老信狂夫。陳生興晚明，秉燭照幽墟。勝廣驅除畢，沛下風雲趨。聖清造元音，崑山一鴻儒。中天懸日月，堂堂燭五書。上追召陵姿，千載若合符。斯文有正軌，來者何于于。江戴揚其波，段孔入其郛。苗髻最晚出，匯爲衆說都。精思屈鬼膝，高論揖唐虞。鸞熊皎入夢，薪火濯天樞。神光不可熄，長夜一鐙孤。風雪交四壁，橫齋校殘書。人謂髻何憊，髻謂吾自娛。自我與髻友，大海禮開鷗。時洗箏笛耳，一聽秦青謳。物外有真知，肝鬲助歌歛。愛髻不忍別，作詩寫區區。

養閒草堂圖爲潘博士題

浩浩市聲沸，塵霧如驚濤。中有滯定人，萬事渺秋毫。家世東山舊，諸謝各清高。未行濯德輝，九天一羽毛。豈謂迴雨勁，修路滯將翱。乾坤豈不大，一笑解天弢。四時足休息，靜極思作勞。時攜桑與友，物外得佳遊。脫帽談虞夏，生理寄濁醪。歸來對虛室，兩日淡相遭。老鶴傍人睡，羣雞正喧嘯。

□ 陶太常小像

江波少遠態，蒼宿日凋零。豈知永嘉末，吾猶及老成。乾嘉昔云盛，錢王蔚典型。傳經孟喜鄰，問字子雲亭。各奉本師說，森然啟門庭。先生時少壯，鑿敦接芳馨。曾從大匠鼻，揮斧動神靈。跌宕五十載，數輩倚聲名。踏破九州涉，依舊還天廷。後生仍好事，快覩先民程。飄然好須鬢，圖此歲星精。柏寢話疇昔，緒論吾嘗聆。瞻言詠斯篇，一寄思古情。

□ 會合詩一首贈劉孟容郭伯琛（咸豐五年秋月南康舟次）

東風吹片雲，嘉客來千里。嗚如竹筒吹，腐公竟然喜。朋僚雜迎笑，吾亦倒囊屣。各自汲其魂，告

曰某在此。傾衾語晨夜，爛漫不知止。上言離別長，歲月弦脫矢。下言兵事殷，成敗真夢耳。江漢天下雄，三年宅蛇豕。王師有蹴踏，戈船照清泚。掀浪煮龍鬚，洪濤染爲紫。長驅下斬黃，鐵鎖沈江底。羣龍水中生，怒螳車下死。英英塔與羅，威名警南紀。倚嘯灑廬間，天戈欲東指。人事有變遷，由來不可擬。鬼火夜灼天，壞雲壓高壘。龍驤付一炬，韓壁僅可抵。偕行竟無衣，存足乃無履。夜半飢腸鳴，大聲震寰水。腐公不知羞，恬然捋爪鬣。謂言多難時，從來福所倚。在莒義不忘，圖南風漸起。稍稍召驚魂，時或可歸矣！世論自悠悠，冰膚生瘡痂。困窮念本根，風雨思君子。艱難復相逢，得非天所處。回首廿年前，志亢聲亦侈。憂患閱千變，返聽觀無始。老夫苦多須，須多老可鄙。二子苦無錢，無錢亦可恥。自乏諧俗韻，不關年與齒。貞松無春說，歲晏行可俟。作詩誌會合，亦用砭腐骨。

□ 王母方太夫人詩

凡響無異材，囊餘得佳桐。衆卉競春華，歲寒彰貞松。坤德无咎譽，非饋兩不蒙。豈然遘閔凶，高韻古所崇。中材利行之，綽楔留芳蹤。卓哉賢母德，激烈乃遇中。別嫌謹錙銖，年高茲益恭。至性無矯

採情攀起凡庸。無所爲而爲。乃與神明通。有孫立朝端。蹇蹇蓋匪躬。乃知玉泉流。璇源已冲瀾。白巖
黃山間。靈氣鬱蔥蔥。明靈永不泯。奕世揚休風。

□ 贈李眉生

倦翮復南翔。重眺鍾阜煙。舊遊多環萃。羣卉正芳鮮。謂可擴吾襟。孤懷乃悄然。非材竊祿位。俯
仰慚高天。術業一無成。浩浩送流年。靈樞常廢事。識闕或蔽賢。多病無安食。多悔少佳眠。無德居高
明。乘鬼瞰瓊室。無學臻衰耄。但爲時所鑄。誰言所遇順。撫衷百慮煎。勤子來存訪。至論探九淵。鬱塞
乃過我。神困難爲妍。人世多乖迂。圓一缺常千。羲娥驅童卯。舉世惜華顛。天命誠足畏。愁思且當捐。
青松生危巖。獨立向清泚。風韻真韶成。交柯蟠龍象。逸氣干層霄。瀟灑謝塵埃。廟廊構瓊材。羣
工共嗟賞。虹梁皎朱曦。天門信蕩蕩。豈知咫尺間。歧路多迴枉。挽來不能寸。推去或千丈。託根倚峻
巖。植基固不廣。孤高招烈風。薄俗寧足仗。蒼穹富雨露。百昌日夜長。大鈞一轉旋。悱惻神所獎。聊究
莊生旨。齊物尋影響。行止皆有待。遠以咨罔兩。

題俞蔭甫羣經平議諸子平議後

聖祖曠千禩，微言久歇絕。六籍出燔餘，諸老抱殘缺。尙賴故訓存，歷世循舊轍。從宋洎有明，軌涂稍歧別。皇朝褒四術，衆賢互標揭。顧閻啟前旌，江戴紹休烈。迭與段與錢，王氏尤奇傑。大儒起淮海，父子相研悅。(謂高郵王懷祖先生念孫及其子文簡公引之)子史及羣經，立訓堅於鐵。審音明假借，(王氏精於古音，謂字義多從音出，經籍多假借字，皆古音，本同也)課虛釋癥結。(王氏每於句調相同者，取彼釋此，謂之句例，又戒不得增字以釋經，皆係從虛處領會)旁證通百泉，清辭映初雪。(王氏立訓必有確據，每譏昔人望文生訓，或一字而引數十證，其反覆證明乃通者，必曲暢其說，使人易曉)九原如有知，前聖應心折。俞君一何偉，蹠步追曩哲。盡發高郵奧，擔囊破其繆。君昔趨承明，風鬱與頽頽。輟車聘嵩洛，康衢誤一跌。子雲宦不達，草元更折節。文囿芟天葩，經神供清醪。龐言頗舐排，諸子亦梳抉。復從羣賢後，森然立縣綽。嗟余老無成，撫衷恒慄慄。閔才不薦達，高位徒久竊。茲編落吾手，吟覽安可輟！

□ 訓王壬秋徐州見贈之作

戒徒事秋蒐，理糴及淮甸。塵埃正紛拏，邂逅接英彥。乖離七易霜，天遣更相見。後車攜嘉客，同馳彭城傳。輕涂淬素襟，名論迴深眷。自云尋絕學，颺軌約三變。僑居蒸水陽，親知斷游讎。閉戶自高歌，寒宵百慮戰。羣聖下窺瞰，憂喜相慶唁。盡挾諸經心，始知老儒賤。探篋出新編，照座光如電。說易燭大幽，箋書祛衆眩。旁及莊生旨，抵巇發英眊。大雅久不作，小知各自銜。漢宋互嘲譏，餘炎更相煽。遲君紹微言，豪芒辨素絢。高揭姬孔情，洪臆消積霰。湖湘增景光，老懷亦忻忭。

□ 附伎求詩一首

善莫大於怒，德莫凶於妒。妒者妾婦行，瑣瑣奚比數。已拙忌人能，已塞忌人遇。已若無事功，忌人得成務。已若無黨援，忌人得多助。勢位苟相敵，畏信又相惡。已無好聞望，忌人文名著。已無賢子孫，忌人後嗣裕。爭名日夜奔，爭利東西鹵。但期一身榮，不措他人污。聞災或欣幸，聞禍或悅豫。問渠

何以然。不自知其故。爾室神來格。高明鬼所顧。天道常好還。嫉人還自誤。幽明叢詬忌。乖氣相迴互。重者裁汝躬。輕亦減汝祚。我今告後生。悚然大覺悟。終身讓人道。曾不失寸步。終身祝人善。曾不損尺布。消除嫉妒心。普天零甘露。家家獲吉祥。我亦無恐怖。——（右不忤）

知足天地寬。貪得宇宙隘。豈無過人姿。多欲爲患害。在約每思豐。居困常求泰。富求千乘車。貴求萬釘帶。未得求速償。既得求勿壞。芬釐比椒蘭。磐固方泰岱。求榮不知壓。志亢神愈怏。歲燠有時寒。日明有時晦。時來多善緣。運去生災怪。諸福不可期。百殃紛來會。片言動招尤。舉足便有礙。戚戚抱殷憂。精爽日凋瘵。矯首望八荒。乾坤一何大。安榮無遽欣。患難無遽慙。君看十人中。八九無倚賴。人窮多過我。我窮猶可耐。而况處夷塗。奚事生嗟憤。於世少所求。俯仰有餘快。侯命堪終古。曾不顧乎外。——（右不求）

七言古

謝疊山賣卜研爲劉太守題

青花一片瑩寒泉，中有毅魄蕩蒼天。大宋河山滄桑改，孤臣心事金石堅。當年賣卜建陽市，麻衣血洗流成淵。吞炭不復容三擊，下簾何曾索一錢。稠父宋父弔鷓鴣，東川西川泣杜鵑。豈知歷劫冰霜後，尙留人世文字緣。辰陽太守亦可憐，老抱石兄喜欲顛。三年膜拜憫忠寺，萬里攜將書畫船。書生癡絕例如此，稱先道古口流涎。不如堯桀兩忘去，日摩頑石支頭眠。

□ 送凌九歸

白日杲杲黃埃飛，君胡少住遽言歸。萬族由來各有託，借問君心何處著。自言誓歸奉晨昏，薄席不暖還出門。丈夫生世會有適，安能側身自踟躕。南箕北斗徒虛名，東走西顧知何益。磨折已覺素心遠，璞獻況逢俗眼白。要將萬舞誇輝光，肯爲兩言求恩澤。皇天畀我非不豐，平生長策能箇窮。一飽那爭鷄鶩食，萬事從付馬牛風。君家才望人所豔，兄弟縱橫兩龍劍。霜隲暨教長板嶽，雲濤終向天庭挾。卽今歸去慎勿稽，歲時努力謀鹽齎。綵衣好娛老萊母，椎髻尙有梁鴻妻。我亦塵尋遠鄉夢，年年送人頗自諷。送君無酒爲君歌，楊花如海奈愁何！

□ 送楊春皆歸

去年同送蕭郎歸，心如風幡亂掀簸，今君告歸亦何遽？臨別無言但兀坐。君才捷敏非常儔，早時羣書讀已破。堆案細字如毫毛，擲筆新詩成咳唾。榻來燕市聘逸尼，聊隨鷺鷥爭芻蕘。出門百錢買犢車，入戶一編旋蟻磨。虛牝擲金古所悲，五年長安竟坎珂。剖瓠作尊何所容？種柏傍石終不大。首途雖舛心愈雄，懷寶空奇時難貨。嗟余昏懦百無能，與世趨趨動得過。忽逢良友相鑄磨，有似酒狂得史佐。隔日一見歡未闌，鼓缶鳴箏唱復和。削除嚙齧得平夷，厭見俗氛揚堀堦。可憐俠氣千層雲！時有忠言驚四座！一塵從此恨分離，萬事何當付爛惰。方今廊廟構羣材，搜林剔穴行可賀。看君形容不易凋，願此芒刃豈終挫？明年仍騎瘦馬來，滿面還受緇塵灑。

□ 題毛西垣詩集後即送之歸巴陵五首

伐木截兩端，半作幘尊半溝壑。南鄉北里輕薄兒，昨日薰騰今冷落。巨屨小屨天所區，焉能辱

屑齊美惡，勸君把酒持雙螯，百年爛醉拚嬉遨。不學陋儒談狗曲，修羅整巾徒碌碌。

歐君（岑小）昔言鄉國彥，汝與吳生（屏南）皆狂狷。看汝織古得新機，惜哉弋時無急箭！獨抱寶岳辭雕鏤，世人皆憎我獨羨。金盤銀酸有時灰，得不垂顧餅與壘。

朝誦幽通賦，夕吟顯志篇。咄哉此子頗聞道，煩毒迷惑劇可憐。古來騷人都如此，君亦苦語相糾纏。日月瀟灑百整蘇，老抱幽憂胡爲乎！

長羨江頭白髮翁，扁舟如瓦飄西東。船頭得魚船尾煮，穉子嘻笑老婦聾。王稅早輸百無事，從古不遇打頭風。君家正臨洞庭水，一飽弄舟樂何底，舍此他求真左矣！

我生乾坤一贅人，逐衆轉徒如飛蚊。袞袞臺省無相識，紛紛時事了不聞。門外車馬何隱鱗，獨立階下看浮雲。君今歸哉渺千里，我方塵土無窮已。

□ 題顧南雅先生畫梅應何子貞

詩老餐冰老更臞，傾身謀醉一錢無。忽然嚼梅供大噉，笑吐滿紙森模糊。當時酒徒相饋餉，（

本寫贈張淵父子，貞從張乞得。至今遺墨何漉腴。平陵公子亦好事，巧儉豪奪無罪辜。時將巨障補空壁，已覺暗香來座隅。長安一雪寒切膚，冷官瑟縮同團爐。開眼忽到西湖上，四更殘月孤山孤。我聞繪事通草隸，此語自古誰云誣。何君作書妙天下，生吞百虎心膽麤。世人只解傳椀蠟，獨能養氣真吾徒。莫言書畫直小道，不到聖處甯堪娛。吁嗟詩老不可作，君雜抱此徒區區。

□ 傲奴

君不見蕭郎老僕如家雞，十年笞楚心不攜。君不見卓氏雄資冠西蜀，壓使千人百人伏。今我何爲獨不然，胸中無學手無錢。平生意氣自許頗，誰知傲奴乃過我。昨者一語天地曠，公然對面相勃谿。傲奴誹我未賢聖，我坐傲奴小不敬。拂衣一去何翩翩，可憐傲骨撐青天。噫嘻乎！傲奴安得好風吹汝朱門權要地，看汝倉皇換骨生百媚。

□ 瑣瑣行戲簡何子敬乞醃菜

瑣瑣復瑣瑣，謀道謀食無一可。大人天矯如神龍，細人局蝮如螺贏。皇皇百計營齋鹽，世間醜
醜誰似我。既不學虎頭食肉飛將軍，又不能駝峯犀筋醉紅裙。長將野蔬說奇錯，春筍秋芋評紛紛。
〔吾鄉芋最美〕拙妻嘲訕婢子笑，可憐先生了不聞。苦思鄉國千里月，夢想牀頭一瓊雲。君家醜
菜天下知，忍不乞我賑朝饑。丈夫豈當判畛域，仁者況可懷鄙私。炯炯予心天所許，堂堂此理君莫
疑。忽憶條侯理入口，黃頭銅山竟偃捩。功高七國安如山，錢布九州浩如藪。當時鼎烹會親賓，後日
饑腸作牛吼。今我與子俱不材，懷抱傾筐倒篋開。取與廉惠兩無猜，青天白日森昭回。不醉不飽胡
爲哉？

反長歌行

〔馮樹堂三十初度，有汲汲顧影之憂，故爲詩以廣之。得失靡常，驚名無極，繁稱雜奏，歸之於正道云。〕

羲和驅日如驅豕，橫之不行汗流泚。頃刻奔馳過百年，老盡世人渠獨喜。渠獨喜，我寧愁，已拚
一老百無恥。馮夫子，我歌君莫鄙，柏梁銅爵安在哉。盜跖唐堯俱朽矣，北翁得馬知何祥。臧穀亡羊
定誰是，平原轉眼成嵩邱。華屋隔宵生荆杞，上蔡黃狗空歎嗟。洛陽銅駝百遷徙，萬事支離那可論。

吾生得失亦如此，卻笑張毅空飾文。更憐單豹強治裘，修衷修操皆虛名。老向前人前，矜瓜瓠，君看從古軒赫人。一半名場夸毗子，今晨令問傾王侯。明日姑齒飽蝸蝓，銘功誅德千萬言。可信人間有真史，馮夫子，我歌君且起。君今三十胡皇皇，浮名驅君不自止。頻嗟短景難少延，使得長春寧足恃。世間自有清淨業，日往月來了無累。人迹不到禽不來，萬年廢井養秋水。

□ 題畫蘭三首應田敬堂同年

粉紅生綃一尺半，描金蘭葉光爛爛。不知誰氏書畫船，遺作君家錦繡段。時乘時取了無憑，花若有情花亦歎。有客對此三沈吟，一夜魂飛洞庭深，故鄉衡杜知我心。

洛陽三月天如銀，楊花浩浩愁殺人。美人璇閣弄鸚鵡，傷心不敢當青春。獨對盆蘭訴幽怨，再拜且爲花寫真。腕輕著花只嫌瘦，劍重放葉難爲伸。簾外雙雙蛺蝶舞，羨汝自在好耍身。闌筆下階傍花立，臨風三嗅馨香泣。

田郎田郎似我孺，反鎖衡門走賓館。三年啖蔗未曾甘，九畹蕪蘭行復滿。不願舉國揚芬芳，但

願同心通悃款。晨書小楷眼欲花，午睡醒來日已斜，從容讀書還煮茶。

□ 贈何子貞前輩（以紙索子貞作字，久不見償，詩速之也。）

九嶷山水天下清，中有彥者何子貞。大講老謀不自白，世人誰解此縱橫。八法道卑安足數，君獨好之如珉理。終年磨墨眼不眯，終日握管意未平。自言簡箋通性道，要令天地佐平成。怡神金鱗朝吹浪，失勢怒猊夜擣營。同心古來亦有幾，俗耳乍入能無驚。可憐四十好懷抱，空使九州播書名。嗟我波瀾頗莫二，知前不爲真不智。捧心恥與時爭妍，畫足久爲聖所棄。行當就子更柱絃，可能爲吾倒筐筥。去年一諾今未償，舊迹已陳誰復記。世間萬事須眼前，須臾變態如雲煙。煩君一揮清我室，驅逐毒熱無煩煎。高堂巨壁蛟龍走，鄙夫白晝敬枕眠。

□ 題唐鏡海先生二圖

□ 十月戎行圖

生世不能學藝。臬裁量帝載歸甄陶。猶當下同郭輿李。手提兩京還天子。三年海國困長鯨。百萬民膏餒封豕。諸公密勿既不減。吾徒迂疏尤可恥。岱宗夫子唐太常。今日儒林有正軌。宗傳久已追廉伊。餘事猶堪作贖起。昨來示我戎行圖。回首軍興今一紀。九疑南去山連天。八排獠獠多於蠹。探升懸伏巢穴繁。青絲白馬風塵駛。籬邊樓下雲屯營。臨賀嶺前雨注矢。先生獨出當九關。磨鍊衆心作高壘。千礮齊震雷破山。萬馬不嘶月如水。先生兀坐了不驚。秉燭從容讀書史。大儒意趣未可量。小醜蠢豪安足齒。功成行賞不自言。羞與鷲駘較尺咫。我覽此圖發長歌。可憐黃髮今幡幡。四海息兵無一事。先生且住安樂窩。

五原學舍圖

大兒垢膩衣短褐。小兒蓬頭語更吃。生長搖戶習繩行。不識詩書定何物。作者縣門鼓如雷。太守如父從天來。走章馳檄到山寨。要與龔俗辨顛顛。皇天於人何厚薄。未必蠻犴皆不才。一朝得與冠裳會。青天始見雲霧開。醜結公然被儒服。笑言啞啞歎且咍。山南伐石千指碎。山北挽木萬牛回。

縮版登登日復夜，取次學舍高崔嵬。五原便爾石渠開，百丈似筍通天臺。銅鼓蘆笙

互何文哉！但願使君長世世，坐看梨瓢成瓊材。豈期文翁難久借，至今蜀國有餘哀。披

事，膏風物落酒杯。方今聖人舞干羽，薄海懷柔不用武。會崇我丈比桓丁，立使殊力變鄒魯。三老

五更古所尊，嗚呼此事非小補！何時虎觀擁皋比，我亦執經走廊廡。

感春六首

奉君以象白猩脣之異味，青翠碧玉之妖姬。子復漠然不我與，我今寸意當訴誰。鬢髮狂歌非
關醉，枯株兀坐未是癡。手撮黃塵障河決，自有幻想非人知。城南海棠已爛放，牡丹如霧行離披。如
此青春忽不賞，直待白髮寧可追。

今我不歡子不悅，攜手天街踏明月。西南白氣十丈長，銳頭突尾射天狼。東方徇國亦已靖，復
道羣鼠舞伊涼。徵兵七千赴羌隴，威稜肅厲不可當。國家聲靈薄萬里，豈有大輅阻虜螳。立收烏合
成齋粉，早晚紅旗報未央。嗚呼天意正如此，小儒不用稽災祥。

男兒讀書良不惡，乃用文章自束縛。何（子良）吳（南屏）朱（伯韓）邵（蕙西）不知羞，排日肝腎困鉅鑿。河西別駕酸到骨，昨者立談三距躍。老湯（海秋）語言更支離，萬兀千搖仍述作。丈夫求志動渭幸，蟲魚篆刻安足塵。賈馬杜韓無一用，豈況吾輩輕薄人？

明珠二百斛，江湖三十年。徧求名劍終不得，耳聞目見皆鈍鉛。聞道海外雙龍劍，神光夜夜燭九天。沴氣妖星不敢遷，橫斬蛟鱷血流川。天子寶之無倫比，列置深殿闔風前。千金萬金買玉匣，火齊木難嵌中邊。元臣故老重文學，吐棄劍術如腥膻。如今君王亦薄恩，缺折委棄當何言。

蕩蕩青天不可上，天門雙嶺勢吞象。豺狼虎豹守九關，厲齒磨牙誰敢仰。羣鳥啞啞叫紫宸，惜哉翅短難長往。一朝孤鳳鳴雲中，震斷九州無凡響。丹心爛漫開瑤池，碧血淋漓染仙仗。要令惡鳥變音聲，坐看哀鴻同長養。上有日月照精誠，旁有鬼神瞰高朗。

太華山頂一虬松，萬齡千代無人蹤。夜半霹靂從天下，巨木飛送清渭東。橫臥江干徑十里，盤坳上有層雲封。長安梓人賦一見，天子正造咸陽宮。大斧長繩立挽致，來牛去馬填坑缺。虹梁百圍飾玉帶，麟柱萬石縱金鐘。莫言儒生終齷齪，萬一雉卵變蛟龍。

□ 爲何大令題明趙忠毅公鐵如意

君不見天啓初載國步頻，逼迫英彥如柱新。龍章鳳恣膏斧蹟，狐鳴梟噪騰要津。大璫滔天不足道，羣小羅拜高頭塵。執笏無因殛元惡，請劍未許梟佞臣。觥觥趙公天所鑒，年年磨鐵影隨身。世事萬端不稱意，惟有此鐵還可人。誓將喪椎擊逆豎，休教鑄錯汚君親。星光睽睽趨朝夜，霜氣稜稜拜疏晨。一回磨擊一灑淚，寸心如石腸如輪。高皇有靈尙來鑒，小臣此志何由伸？一朝荷戈西出塞，辜負白鐵悔因循。茄花枯盡委鬼滅，可憐明社亦荆榛。二百年來餘此物，萬劫不敵唯精神。世人蠢蠢寶珠玉，如君乃獲希世珍。老鐵耐寒終得主，豈有正氣長鬱湮。論君雪夜倚闌看，金精上燭滅星辰。

□ 喜筠仙至即題其詩集後

昌黎聖者徂不作，嗚呼吾意久寥廓。郭生近出還峻嶒，腸胃森然起邱壑。古來文士非羸尪，各

有雄心戰墳索。自尋世界鍼孔中。別開九州造城郭。衰叔曹尙安可論。襲兒沿聲膽已薄。丈夫舉步
驪兩龍。豈有趨趨躡人脚。我方僵踣瘖不前。君能踐之道斯託。憶君別我東南行。挽袂牽裾事如昨。
五年奔走存骨皮。龜坼硯田了無穫。時時音聞相照臨。語言雖甘意緒惡。豈知今日還相逢。席地帷
天共一酌。紛紛蠻觸爭土疆。誰能買閒事笑謔。解顏一覲豈尋常。百歲忍如埽秋籜。衆木有知草有
心。殊性異涂那可度。昨夕之炭今長沐。轉煥回寒在森霍。弓影構似公成真。箭鋒失機春相過。葛亮
書說雖貴和。屈原平生莫量鑿。趨同造獨良難兼。攘詢納尤詎非樂。方今帝舜明四聰。朱虎夷夔夔并
高爵。大鐘土鼓相和鳴。文字秋霜起廉鏗。號呼朋侶趨上流。聊可示強孰云弱。嗟余瞽者迷嶽塵。不
殖十年得毋落。欲張漢幟標新軍。要盟不從誰肯諾。獨者無倚同者羞。心之簸搖欲何著。智小謀大
姬所懲。偏有狂夫百不作。移山愚叟無日休。填海冤禽有時涸。屠龍大噉願已虛。侈口如箕且一嚼。
老筇老筴子視余。謬志誕言豈堪藥。閉門引竅號五噫。欲與秋蟲鬪方略。宇宙空曠時日寬。安用出
膏油火灼。忽憶元和奇崛翁。會合聯吟兩鳴鶴。雲龍相逐終不能。海南江東各飄泊。彼之賢俊尙如
斯。我今瞽頑當何若。與君辦醉千億場。誰道人間有紕錯。

□ 六月二十八日大雨馮君樹堂周君若農郭君筠仙方以試事

困於場屋念此殆非所堪詩以調之

黑雲壓城真欲摧，銀河倒瀉天如篋。我巢倉皇變澤國，嗟爾三子嘻可哈！孔鸞欲爭雁鵝食，貪饕豈得逃天災？矮簷埤危小於盂，拳曲裁足容頸顛。上雨旁風忽衝突，蟄蟲有戶安能坏？脫屣漂流不可貸，筆牀茶臼何有哉？馮君枯坐但閉目，急溜酒面不曾開。周侯仰天得盡本，倚牆絕叫添喧。區郭生耐寒苦索句，飢腸函轉鳴春雷。卻笑羣兒薄心膽，瑟縮啾唧良足哀。丈夫守身要倔強，雖有艱阨無愁猜。我今偃臥舒兩膝，深簷大棟何恢恢！白日鼯聲答雷雨，殘滴初歇清夢回。甘眠美食豈非慶，又聞逸樂生禍胎。數君健強齒尙未，正可磨鍊筋與膈。明朝日晴各轉鬪，老罷戰罷還歸來。爲君廣沽輓脚酒，泥污不洗且銜杯。

□ 苻農既和余詩而三子者皆見錄於有司乃復次韻

王師四出枯摧，築城如鐵黃土徙。公然一戰收全勝，笑言啞啞何歡。哈文章有時奏奇績，不信五鬼能作災。諸君運命頗磨蝸，可憐頓頓愁眉顛。年年力戰路城邑，不分上國土一坏。卻願羣公無寸效，封侯起第何難哉！李廣旗亭遭醉罵，衛青幕府排雲開。今朝背城偶自奮，一呼振臂何轟豸！皇天亦助昆陽捷，亂飛屋瓦奔雲雷。稍雪平生三北恥，一洗往日千悲哀。但令鷩食得小補，休脫雞肋生疑猜。神龍卷舒在勺水，綽綽進退真宏恢。誼士飲河但解渴，食泉未到車先回。要將廉退式鄉國，坐看合浦還珠胎。菟裘他年儻可老，林壑休息舒脾膈。不然崇階借尺木，蟬蟻富貴還鼎來。升沈變遷不可必，今日一樂聊千杯。

□ 題明陳忠愍公雪聲堂硯爲唐觀察樹義作

人間尤物天所隘，豪奪巧偷生災怪。尙書老硯差復尤，流落君家足一快。區區石耳烏足珍，重談勝朝可深啗。金陵已破汀州摧，桂林屠王甚矣德。書生褫褐陳老謀，欲傾南溟洗兩戒。西走臨賀東珠江，剝身莫醫六州瘵。已聞餘燼飄煙埃，復道妻孥餒榘械。丈夫首斷心不懲，賤妾癡兒泥足芥。

袁粲狹巷猶懸槽，張巡孤城已粉壞。可憐此硯隨忠魂，未了多生文字債。文豹已斃皮尚存，笑倩後人爲爬疥。不須更道夢中緣，已覺英靈接聲歎。阿翁作吏今龔黃，惜哉老稽亦翻鑿。君今撫硯勸檀書，世守檳龜敢安懈。惠然何日持示余，我見石兄或三拜。（唐君得此硯於桂林，其尊人於清遠舟中夢陳忠愍道及之，因名所居曰夢硯齋。）

題醇士前輩爲滇生師畫竹疊前韻

鎮院重深春爛漫，墨壁潭潭古所搜。盡收羣彥歸樊籠，有似神駒遭繫絆。戴侯健者胸宇宏，足迹略經九州半。苦嗜書畫拚金錢，頗睨蟬貂等塗炭。錢唐夫子今儒宗，藻火虎雉賴翊贊。兩賢分吸西湖光，東壁交輝北斗燦。亦有繪事追宣和，豈徒宏文敵貞觀。頃來巨卷寫風篁，欲學湖州贈內翰。斷枝零葉不整齊，但覺清風拂書案。試院經今五百年，文字何止千牛汗。前水後水但東之，萬事悠悠良可歎。獨有名墨長流傳，壽世不隨星霜換。故知雨露濡李桃，不嬌風雲生肘腕。我今老硯久荒蕪，圖史拋如秋鐘亂。外文內節兩無稱，蠢蠢班行誰比算。誓將歸牧竹石間，不管世途有陵岸。戴侯

書牛有家法，何不誤筆試。一按尙書早兆調變幾，我亦願歌南山樂。

謝岷樵

市廛交鰓角一閱，朝爲沸湯莫冰凍。江侯爾豈今世人，要須羊左與伯仲。漢上鄒生環者徒，臥病長安極廢空。（謂鄒柳谿）導養離絕三彭仇，惡讖欲尋二豎夢。君獨仁之相掖攜，心獻厥誠匪貌貢。役能令賤者羞感，物頗爲時人時誦。丈夫智勇彌九州，守愚常抱漢陰壘。不學世上輕蒲兒，可笑人前事機昔。弄我持此語馮生，（謂樹棠）沈飲深觥豈辭痛。郭生酒後猶激昂，（謂筠仙）往往新篇發嘲諷。君今勁節盤高秋，况有詩句驚萬蓋。喜雨一章已奇恢，猶嫌伏轡受羈鞅。頃來祝我珍瓊瑤，韜以錦囊無殺縫。我今塵海久淪骨，方寸迷濛足霧霧。乃知貧賤真可歡，富貴糜身百無用。因君寄語談天客，狂夫小言或微中。但教毛羽垂九天，未要好風遽吹送。

鄒興愚字柳谿，新化人，客居陝西興安，道光庚子舉陝西鄉試。家酷貧而自守嚴，不苟取。今年大病京師，不得與禮部試。醫藥雜役，皆岷樵躬之。急難之誼，吾見亦罕。予旣爲此詩，後十

日而與愚死。予與岷樵及與愚之族兄子律三人者爲經紀。其後事秩然，可以無悔，將以七月歸其喪與安。岷樵蓋有終始者。子律字春生，亦篤士。六月十二日附記。

□ 移居偶成

前人栽藤後人看，我年於藤未及半。前人種竹青成林，舞影窗月清我心。况有丁香海棠樹，堆砌牡丹亂無數。霜風但遣枯枝立，春光猶遲隔年度。獨立何必念芳菲，正肅氣與天地遇。此身今古如脫屣，人得人弓等閒耳。冰霜百物半摧藏，掃除一室吾安事。轉眼花開春事新，四座唯延澹蕩人。讀書養性聊爲樂，日可招要梅子真。

□ 陳慶覃詩鈔題辭三首

魏王大瓠號豐碩，酌水盛漿百不適。丈夫身手豈不良，沈沒詩篇真可惜。膠嚙道古無一符，畫脂工夫竟何益。我昔鏤肝好苦言，今來百憂頗冰釋。誓將輟軫收哀不，彈唱君家行路難。近聞西蜀

甚陸梁，驅人大邑如驅羊。羣揭竿旌過都市，廣開林藪收畔亡。新市下江頗竊發，左谿橫水還披猖。州家上名使家縱，昔我經過心驚傷。太平風塵亦如此，胡不上書達天子。

虞舜藏弓蒼梧野，我家正渡南嶽下。眼看鄉井多鬻髦，凌周郭李皆健者。何郎蒼老孫郎少，君合乘銅付一治。楚人自古工語言，湘流到今悼屈賈。褊夫例縛文字禪，劍頭一決真粲然。（後荻洲周杏農，郭筠仙，李梅生，何子貞，孫之房，皆同鄉人也。）

□ 憩紅詩課戲題一詩於後

鉛止不作桐城逝，海內騷壇委寒灰。龍蟄虎潛斷吟嘯，坐令蚯蚓鳴驚雷。憩紅先生頗好事，欲拓詩國疆土恢。號召英豪執牛耳，大蒐燕冀選龍媒。走章馳檄市遍都，紛紛吟札如雲來。較量錙銖判殿最，豈有魚目還珠胎。傾身愛才劇如命，酬字金帛布成堆。達官貴人不好士，先生此舉真豪哉。嗟余楚狂百無用，長安十載罄黃埃。作碑無錢枉自苦，乞米有帖長空回。臣朔飢死侏儒飽，古來顛倒何足哀。偶然塗抹爲新句，畫眉深淺乖時裁。鬢髻飄零有誰惜，錐刀角逐吁可咍。豚蹏果遂箠車

祝，一笑取醉三百杯。

□ 書朱皋亭家傳後

韓公會作董生行，坡老亦詠姚氏堂。末世文人苦孱陋，雖有行誼無由彰。徽州太守萬夫特，承明一出腰銀黃。政聲今鄰趙張右，名翰昔在崔蔡行。憶昨石渠同討論，稱引先德何琅琅。考亭絕學半庭訓，佩章奕葉仍作堂。孝經五齡誦在口，內則半編時相將。一朝老親蒙霧露，醫不能力巫難禳。妙年誠心破金石，午夜封臂和羹湯。探丸何曾讓耆域，臥冰殆欲嗤王祥。誰言吳穹闊且遠，小叩大應如宮商。阿耶道躬既純固，阿兒行義宜褒揚。漢家本來重孝友，薄俗尤應式靡涼。豈謂虛舟藏大壑，空教幽嶽埋寒鏃。獨留孤兒好頭角，神駒墮地不可當。逸足騰踏蓬島路，八載與我同趨躋。昨年一麾出歙浦，南凱北渴永相望。白塔觚稜晨漠漠，黃山煙靄暮蒼蒼。懷人卻寄相思字，念祖仍徵述德章。前人艱危事栽種，後人但識嘉蔭長。即今樞栝貢天府，莫忘老幹在冰霜。

□ 送周文泉大令之官城武

曾國藩詩文集

周侯爲政知者鮮，地小衷長自不展。早華讀書如老饒，堆案徧嘗盡百辯。詞源一瀉不得休，往往巉巖雜婉孌。頻年大海泣遺珠，卅載湖南綰銅篆。本因名父求肅威，始見分符來張緬。深藏干邪匿銛銘，盡壞屏幃通關鍵。閒官那暇自料理，時逢順風亦遷轉。由來亦令須老成，早有仁聲先流衍。東窮二酉綠猗崖，南入九嶷踏秋薜。馬援舊愁惡氣惡，文翁新化善俗善。忍教蠻犵歎無襦，坐看獠獠來解辦。蘆笙銅鼓喧粵歌，苗婦焚童通繯。我亦自是湘中人，有賢不知嗟何淺。長安一見兩無猜，詎比尋常徒睥眦。大開戶牖吐真氣，倒決江河放清辯。拘守咫聞苦自繩，我固儒酸君未免。方今要路爭騰馳，幾輩兼程獵華顯。高車大馬塵埃香，翠羽長纓腰腳輕。看君敝襦猶綉綉，長是敗肉策驚蹇。行囊賸有書滿箱，公廚會恐塵生甌。此去清風入濮曹，定知甘露灑青兗。誰云廉吏不可爲，須信夷途百無外。陽城豈畏書殿考，卓茂終當膺首選。邇聞海國遠喧嘩，此邦幸未近兵燹。可憐疲民困科條，有如聚蠹遭蹂踐。豈無積弊含瘡痍，聊欲爬梳愈疥癬。枯魚在轍誰能久，惡草當門要須翦。知君不薄芻蕘陳，世俗但解筍蒲餞。明朝一別各東西，愁緒多於鹽大甌。

送凌十一歸長沙五首

昨日微雨送殘秋，落葉東西隨水流。世間萬事皆前定，行止遲速匪自由。謀道謀食兩無補，祇有足迹徧九州。一杯勸君且歡喜，丈夫由來輕萬里。

皇天陶鈞造萬器，甕盎餅壘巧安置。頗怪君材無不能，胸中多藏如列肆。刀光刺眼瞬不搖，小事癡騃大事智。吁嗟世事安可知，于將補履不如錐。

螺贏負青蟲，祝祝亦相似。眼見平地轟高臺，縮版登登無基址。王侯將相豈有種，時來不得商進止。君歸讀書更十年，看君白日上青天。

憾我不學山中人，少小從耕拾束薪。朝去暮還對妻子，殺雞爲黍會四鄰。世事癡聾百不識，笑置詩書如埃塵。君歸自有青塘山，築室種樹莫言艱。

如我自鏡猶可憎，非君誰復肯相偶。寂寞陋巷長叩門，三日一見開笑口。常時徒步噉塵土，偶然驅車馬如狗。君此歸去慰門閭，我今留滯當何如。

□ 送謝果堂前輩歸江南

我昔曾讀知恥集，憾不追逐參翔。當時小人竊國柄，狐鳴梟噪何貪饕！霍家奴子青油燭，夜半狹巷公嬉遨。一朝燒車震都市，驄馬御史真人豪。至今朝士誦遺直，言之凜凜寒生毛。先生早聞過庭訓，豈有勁幹能枉撓。（謝蘄泉先生名振定，爲御史時，曾燒和坤家奴車，旋以他事中傷落職。嘉慶四年起復，爲禮部主事。今上嘗呼果堂爲燒車御史之子。）廿年作吏領畿赤，王事何曾怨賢勞。爲憐疲民困蹂躪，親齎積瘵勤爬搔。豫州豐碑吾所見，德政猶傳萬口牢。復聞巴彝魑魅結惡，十載邊陲苦釋騷。先生手草諭蜀檄，剖巢熏穴駐颺號。殺賊自是書生事，成功屢蒙 聖人褒。（果堂討平四川夷匪，賞戴花翎。）陳立餘威懾駭冉，文翁雅化蒸譽髦。方今時俗忌博譽，傲傲萬衆舖醜糟。卻笑先生抱古調，肯隨里耳同喧嘈。誰言夷途百無舛，未免奇數時一遭。大江東下日滔滔，濁水沈珠不可撈。使君一去萬人哭，牽衣遮道何嗷嗷。蛾眉謠詠古所惜，坐使斧柯終倒操。竭來長安談舊事，磨礪圭角深自韜。削如太華立千仞，絕頂秋隼下平臬。始知老輩尙矯節，堪哂薄俗徒塵囂。嗟余昏頑大無識！隨人俯仰如桔槔。頻蒙美言藥狂瞽，須臾便達肯與膏。昨者告別驚何遽，歸心已似風中旄。逝將買山學耕釣，行且築室誅蓬蒿。世事癡聾不復問，典衣取酒樂陶陶。天空地闊網羅少，黃

鷓一舉何其高！紛紛燕雀非吾曹！

□ 題王少鶴夔砧課讀圖

破屋荒園陰雨候，桐樹清陰向人覆。鱗鱗危巢鳥舖殼，風窗瑟縮燈如豆。砧聲清切姊心悲，書聲函胡姊淚垂。天乎汝此不自力，豈惟乃姊摧肝腸！二親魂魄長嗚咽，躍馬天街得路回。龍鍾老疾姊顏開，一笑迎門雪雙涕。此日當時互悲喜，當時荒園姊攜弟。此日安壚弟迎姊，風詔輝輝賁下泉。柳江春色煥雲煙，長途珍重難爲別，願且無忘在莒年。

□ 丙午初冬寓居報國寺賦詩五首

閉門百慮叢憂煎，出門萬蔓相糾纏。苦被塵埃縛欲死，脫身來此親僧氈。老松大槐遮四徑，日月爲我生光妍。道人龍鍾五十七，黝深碧眼珍珠圓。烹茶煮餅時勤我，亦有山果堆初筵。囊駝對坐不相管，兩家各有無言禪。臬夔稷契非吾事，休囚饑飽付皇天。

去年肺熱苦吟呻，今年耳聾百不聞。吾生卅六未全老，蒲柳已與西風鄰。念我識字殊珍少，淺恩詎足燔精神。忽憶軒頰初考文，羣鬼號夜天裂晨。斯高揚馬竄姦怪，召陵祭酒尤絕倫。段生晚出吾最許，勢與二徐爭岫麟。惜哉數子琢肝腎，鑿破醇古趨露醴。書史不是養生物，雕鑿例少年強身。我今日飲婆娑尙不樂，嗟爾皓首魚蟲人！

長安十月飛繁霜，西風落葉戛金商。道場隙地一千畝，頽垣破礎淒荒荒。壞塔陂陀野狐噪，華穉漫漶飢鼠忙。憶昔憲皇興作日，飛樓湧殿何巍昂！外家恩澤敵田寶，祖師勢要凌侯玉。三百年來變陵谷，龍象孱弱趾廳狂。毗盧闍子今安在，向時鐵鳳蟠穹蒼。銅駝荆棘古所歎，今我何爲獨旁皇。鼻涕垂頤不須管，況問人世滄與桑。

俗儒閣閣蛙亂鳴，亭林老子初金聲。昌平山水委灰燼，可憐孤臣淚縱橫。東西南北輟迹遍，斷柯缺斧終無成。獨有文書巨眼在，北斗麗天萬古明。聲音上溯三皇始，地志欲掩四子名。丈夫立言要須爾，擊甕拊缶烏足鳴。嗟余孱退昏庸百不力，付與四海劉傳瑩！

劉郎三十甘蒿萊，荷篠簪書眞豪哉！郭生辭我還鄉國，東遊章貢噉紅埃。跌宕江山要詩句，鎮

倒懷抱須尊壘。此間頗似酺池寺。但少鬼張遼然來。朝飢夕渴不可解。安得銀潢倒落注金杯。

一 謝李生二首

一別李生今四載。我有情懷浩如海。白日西下江水東。嗟余與女不相逢。念女春秋正壯大。勸名遊遁能鼎鑪。三年五年伏不出。鏡中便恐改昔容。丈夫自謀要深遠。求田莫問陳元龍。深山窮谷霜髯老。何人拂拭青芙蓉。

曳尾不羨宗祜龜。孤豚不慕太廟犧。我今等閒爲世用。自憐說髀百不宜。海國波濤一萬里。天吳罔象相娛嬉。聖主宵衣事展轉。小臣孱薄何能爲。胸中不辨管與樂。囊中嘗少屢與耆。朝歛夕瘞不自得。俛首長誦鵜梁詩。

孫生粲粲如刻苴。玉立僧女雙瓊瑤。同作二喬好夫婿。盛年咳唾干雲霄。蜀山嗟峨蜀江闊。終有畸士光斗杓。文章不是救時物。揚雄司馬烏足驕。男兒萬事須管臆。詎肯僥倖呼盧梟。女曹報國好身手。看我蹉跎已老醜。

□ 次韻戴醇士邵蕙西見過

去年城南臥古刹，高秋萬葉聲鳴戛。病中強哦七字詩，欲調苦腸變甘滑。樞府先生辱相和，神鬼雕鐫何桀黠！鏖除險語歸溫柔，痛與鄙人砭苗軋。我時鄉夢正南飛，欲促歸裝理脂壑。奇章偉句不能報，自慙久暗養與蛭。豈期歲序遽周遭，西風蕭蕭又愁殺。東烏西兔老鞭笞，鏡裏催人雙鬢蔚。二賢忽來曠我懷，高論邱索窮九八。但得尊前賭歡笑，遑冀身後誰識察。紛紛人海縛簪纓，汨汨天刑被髡削。何時卻隨兩閒鷗，摩空一盤萬里鶴。

□ 題平谷山莊圖

十年京國蹋朝鼓，九陌黃塵塞肝腑。已分喧囂儕市估，忽夢歸去釣湘煙。洞庭八月水如天，沙鷗與我抵足眠。醒來依舊馬嘶檻，車聲隆隆震牆壁。始知樊籠困羽翼，開圖對此好谿山。萬重雲水一僧閒，清輝照我塵裏顏。何日飄然覩芒屨，往尋盤山松下路，買鄰來傍羊求住。

□ 題王麓屏扁舟歸養圖二首

治風融日作好春，吾子嘉遯逢茲晨。長安高蓋擁衢術，住者牛毛去者鱗。平明趨衙莫退舍，日
日人前伺喜曠。誰識扁舟五湖外，尙有朝士梅子真。

澗水之頭資江尾，十年同遠桑與梓。君去芒屨踏萬山，谷鳥崖花各歡喜。白頭老母迎門笑，傾
身一拜兒歸矣。我今濡尼不知還，緩鶴息壤猶在彼。

□ 書嚴太守大關賑糶詩後

去年河北哀鴻啓，千里紉地境無毛。靈牲瘞走百不應，妻兒鬻食夫遁逃。吾皇慘惻軫飢溺，銀
潢下瀆傾恩膏。詔發內儲一百萬，拯置衽席蘇號咷。頗聞洪波有滲漏，蝨賊難防胥役饕。令我苦思
循良吏，部勒仁政明秋毫。麗江太守今召父，喚咻赤子歸甄陶。政成檉稭罷歌舞，跌宕滇海窮詩騷。
曷來金門謁帝座，一編示我何榮鸞。賑糶兩章尤警絕，風格欲與次山爭。旌旄大夫出驥得專擅，汲

踏發粟吏所裹。叔世議賑非細事，走章馳檄相警。州家申求使家阻，民册吏牘如山高。君能奮身拯水火，一破積習萬口牢。膏脂不是壯夫業，詩外有事真賢豪。安得九州徧公等，撫摩膏衆離煎熬。作歌聊用勸來哲，下考莫晒陽城勞。

□ 送黎樾喬侍御南歸

驄馬鑿駝行如飛，幡然下馬賦歸去。諫草上付九重天，扁舟遙指三湘路。先生素志在湖海，復欲蒼生歸陶鑄。十年風緝虎觀書，六載霜冷烏臺樹。滄海鯨鯢浪正高，洪河蛟蜃秋尤怒。杜老窮年憂黎元，賈生伏闕陳時務。虞廷自有龍變在，朝士誰結巢由慕。長安風寒秋氣高，離筵酒暖日色暮。共因去國惜歐九，私喜見幾繼疏傅。昭山樹古霜逾瘦，洞庭水深塞可渡。定將蹤迹溷漁樵，猶有耕桑酬雨露。他年拂衣我歸來，爲訪先生嘉遯處。

□ 題張石舟煙雨歸耕圖

靖陽老翁飢不死，四十年來噉書史。一朝悔悟思改弦，萬卷書拋如脫屣。高車大馬謝羣兒，草服黃冠吾歸矣。朋知聚處頗相怪，問翁生涯欲何以？東阡南陌一毛無，四海九州將安底？翁言少小時臬臺，曾對老蒼矜爪臂。幾年束縛露在匡，數輩胸滯魚乞水。中散自憐七不堪，於菟但聞三見已。閱世蠻觸多戰爭，策身臧穀無完美。逝將巖壑躬耕桑，不受邱軻老鞭箠。軀體諒非百年物，夢魂倏在千山裏。煙雨濛濛插新秧，短渠瀼瀼長鱸鮓。泥飲邨農與酣嬉，招呼黃犢同臥起。翁言未終我已躍，此身不歸神先徙。行趨神武挂衣冠，往尋谷口買鄰里。誰能皓首黃塵中，項短尻高不知恥。

太學石鼓歌

韓公不鳴老坡謝，世間神物靈寒灰。我來北雍撫石鼓，坐臥其下三裴徊。周宣秉旄奠八柱，岐陽大狩鞭風雷。四山置學市天布，羣后冠帶如雲來。東征北伐盪羶穢，方召嘽嘽何雄哉！銘功鐫石告無極，欲鎮后土康八垓。自從七國戰龍虎，荒荒王迹淪蒿萊。羸顛劉駭六代沸，把酒但勸長星杯。陳倉流落一千載，霜鑿日剝空黃埃。國子先生老好事，欲比卣鼎珍瓊瑰。東都相公守右輔，始昇泮

沼剌蒼苔。五季蠅螭。頗星散。司馬刺史初重恢。是時十鼓嗟失一。拋棄不辨何山隈。博搜民間得異
白。秦關復贖連城回。宣和天子嚮儒雅。太清書畫千雲堆。詔移此石歸汴水。圓橋觀聽何轟厯。行填
字鉤發光怪。照耀良岳金碧開。豈知六龍卒北狩。法物曾不履凶災。高車大牛輦萬貨。填坑咽谷驚
三才。是鼓蒼黃亦北徙。重器始此蟠燕臺。道園詩翁主太學。與舉百廢扶傾頽。中門兩根與位置。華
覆大棟增寬崔。承以磚壇護以檻。清陰四幕連疏槐。邇來春秋閱五百。光氣夜夜騰斗魁。聖清文明
邁巢燧。按挾書契窮根蓂。從臣技能半史籍。別作新鼓相追陪。小儒昏鈍無所識。得從械櫜備條救。
細思物理窮顯晦。茫茫人事不可推。作歌聊繼二公後。不羞鷲蹇隨龍媒。

□ 題朱伯韓侍御之尊人詩卷手蹟

異時河內初陸梁。誰其禦者朱與強。強公身死翦妖黨。殊恩稠疊旌國殤。朱公墨守一黑子。遮
蔽懷衝如苞桑。時逾歲邁三十載。事過頗憶張睢陽。吾皇繼序錄勳伐。詔祀名宦褒忠良。流芬遠韻
不可賈。遺墨始此瞻暉光。詩律欲傳杜宗武。風徽略近元漫郎。公家衰師吾所友。向人繕繕好肝腸。

往時嬌養比蒼玉。今日柯條還老蒼。諫章九門懼虎豹。文事四海知班揚。阿季行能亦超絕。輕收科第如掇筐。永慮老翁山下魄。九原一笑能軒昂。近聞汴州亦大地。千里滌滌無嬰糧。析骸易子都窮盡。公之舊部亦流亡。河北枯蒿相枕藉。關西寇盜仍披猖。安得如結且千輩。散布都邑蘇瘡傷。摩娑此卷三太息。聊表先正詒方將。

□ 題簪篋谷圖

我家湘上高帽山。茅屋修竹一萬竿。春雨晨鋤玉版。秋風夜館鳴琅玕。自來京華暱車馬。溝腔俗惡不可刪。洞庭天地一大物。一從北渡遂不還。苦憶故鄉好林壑。夢想此君無由攀。嗟君與我同里社。誤脫野服充朝班。一別簪篋謝猿鶴。十年臺省翔鸞鸞。魚須文笏豈不好。卻思鄉井長三歎。錢塘畫師天所縱。手割湘雲落此間。風枝雨葉戰寒碧。明窗大几生虛瀾。簿書塵埃不稱意。得此亦足鏘疏頑。還君此畫與君約。一月更借十回看。

□ 答李生

會國藩詩文集

我年廿四登鄉貢，始與劉蓉相追陪。延津雙劍忽會合，深夜挂壁鳴風雷。勳名自謂凌管樂，文采何曾怯鄒枚。豈知義和鞭日月，頭上光陰火急催。老劉偃蹇不稱意，酸寒一衿初受裁。我雖置身霄漢上，器小僅儕餅與壘。立朝本非汲黯節，媚世又無張禹才。似驢非驢馬非馬，自憎形影良可咍。中天廣殿鑿雲開，飛甍結構要羣材。倦眼相徧天下士，焉知吾國有顏回。李生年少風骨峻，驍騰汗血龍所胎。平地一朝能九仞，欲與老劉爭崔嵬。萬里辭家來從我，如金受冶玉受鎚。斲輪祇有一心喻，獻璞翻爲兩足災。世上升沈日千變，得失於我何有哉。朝來告別問何往，迎婦塞外祠高禰。長安自是別離海，新婚便作錦繡堆。離情吉語雙惝怳，新詩妙句千瓊瑰。我有一言生聽取，冰蘖乃爲福之媒。富貴綺羅遭鬼瞰，憂患可以堅筋骸。陳平終非貧賤客，王章莫忘辛苦懷。邊關十月雪黏天，勸生爲我盡一杯。

□ 題唐本說文木部應莫郎亭孝廉

插架森森多於筍，世上何曾見唐本。莫君一卷殊環奇，傳寫云自元和時。問君此卷有何珍，流

傳顯晦經幾人。君言是物少微識。殘綫黠黠不能神。豪家但知貴錦裘。陋巷誰復憐綦屣。黟縣令君持贈我。始吐光怪干星辰。許書劣存二百字。古鏡一掃千年塵。篆文已與流俗殊。解說尤令耳目新。乾嘉老儒耽蒼雅。東南嚴段並絕倫。就中一字百探討。詰難讎起何斷斷。暗與此本相符契。古轍正合今時輪。乃知二徐尙鹵莽。詒誤幾輩空因循。我聞此言神一快。有如枯柳措馬疥。我昔趨朝陪庶尹。頗究六書醫頑蠢。四海干戈驅迫忙。十年腴肉消磨盡。卻思南關老祭酒。奮學於我復何有。安得普天息撻槍。歸去閉戶注凡將。

□ 贈吳南屏

春霖颯沓天如篴。大麥菸邑小麥摧。愁顏彌月何曾破。故人飛權從天來。與君握別纔幾日。已見新火十鑽槐。當時洞庭酬別酒。乾坤戰伐正喧喧。沅湘義軍參差起。十事欲成九事乖。英豪半藏蜀國血。大地徧種秦時灰。即今南紀風塵靖。亂後遺黎多皆災。荒村有骨飼狐貉。沃土無人開蒿萊。筋力登危生理窄。斗粟誰肯易嬰孩。三里誅求五里稅。關市或逢虎與豺。謬領大藩二千里。瘡痍不

救胡爲哉！羨君高臥君山頂，吞吐湖月無愁猜。世味飽諳脰三折，長吟極望天四階。招邀軒轅論古樂，瀟灑屈氏餒餘哀。談經頗折巨儒角，手攜藹日照昏霾。翩然一葉忽東下，相見各憐雙鬢皤。寧知滄桑閱百變，復此對持掌中杯。蒼天可補河可塞，祇有好懷不易開。努力且謀千日醉，高談巢燧訖有餘。

□ 游金山觀東坡玉帶詩

去歲歸颿拂金山，咫尺浮圖不可攀。今年又翦瓜洲渡，扶攜妙友陟孱顏。簿領叢中困桎梏，脫身一誠腰脚頑。微風蹙江衆皴靜，一抹橫吞東海寬。耽耽樓觀今安在，無情瘦石空巖沅。六飛昔臨浮玉頂，御榻霄漢千龍盤。兵火十年變陵谷，道場百畝荒榛菅。頽垣不見鱗纏棟，荆扉無復獸齧環。古佛負牆滲秋雨，雛僧無食號夜寒。獨餘蘇公舊法服，腰玉片片留人間。絃佩流傳七百祀，天章褒寵同錫鞶。（舊玉帶有殘缺，——純廟敕內府琢玉補之，——題詩五章。）我懷峨帽老尊宿，翔翔人海如鳳鸞。揚子江頭數來往，幾回愉樂幾悲酸。北去烏臺判死別，南遷嶺表絕生還。（東坡往來

江上，屢過金山，惟自湖州攝入烏臺獄。及暮年，南遷惠州兩次，經過金山，尤極艱苦。磨蝎作災，魘魅壯，荆棘塞天行路難。差喜名山藏故物，長倚江月照忠肝。巴陵詩叟抱奇逸，齊盟早歆風騷壇。敝板厭束淵明帶，談經時欲子夏冠。昨來省我鍾山麓，今此東遊與未闌。扁舟更欲探甌越，誓窮人力發天慳。嗟余本志耽邱壑，羈束塵鞅無由刪。江山自佳日自富，堪笑紛紛苦不閑。

五律

□ 早起憶九弟二首

別汝經三月，音書何太難！夜長魂夢苦，人少屋廬寒。骨肉成飄泊，雲霄悔羽翰。朝朝烏鵲噪，物性固欺護。

尙餘詞賦好，隨衆頌康哉！報國羌無力，擎天別有才。寒雲迷雁影，遠道望龍媒。百尺金臺盪，看君躑躅來。

得郭筠仙書並詩卻寄六律

展轉看書字，嗟君亦老蒼！昊天真藐藐，白日故堂堂。與子相期事，窮年恐不償。憂來聊飽食，吾壽會無央。

大雅悲淪歇，斯文久不尊。至情宜倔強，吾道有離藩。仰首呼虞舜，狂歌答屈原。自非君子性，茲意固難論。

垂耳甘芻豆，儒冠信誤人。長爲羈旅客，嗟汝少年身。物極能思返，天心會好仁。鹿鳴歌旨酒，滴瀝入君唇。

閒閒觀物化，耿耿究時暄。黠士羞要譽，廉夫重報恩。賈憎惟片語，求福實多門。種蕪怡幽獨，歸休勿復言。

昨來殊不適，日落獨登樓。西北看遼瀋，東南望海陬。蒼茫懷百代，浩蕩足千愁。書肚思長策，嗟余肉盡蘇。

日日懷劉子，（謂孟容）時時憶郭生。仰天忽長歎，遶屋獨巡行。雲暗乾坤隘，風來戶牖鳴。孤吟無與賞，寸憾浩縱橫。

□ 寄弟二首

去年長已矣！來日尙云賒。身弱各相視，家貧儘有涯。鄉心無住著，望眼久昏花。寥落音書闊，多疑驛使差。

咄咄延平劍，英英江夏黃。求聲方出谷，一別各他鄉。東下江河駛，南征道路長。汝儕身手健，看我鬢毛蒼。（黃子壽彭年後起之秀，予嘗命九弟與之納交。）

夢裏攜予季，亭亭似我長。三年不相見，一變安可量。神駿初銜轡，牽牛肯服箱。朝朝儉芋栗，知爾足奔忙。（季弟今年十四歲，往年好食栗，煨芋，避人偷竊，頑趣可掬。）

□ 獨出

匪直完裘好，今年故未寒。晚來還獨出，宇內一何寬。銜尾千人聚，高駝百馬攢。天街原蕩蕩，辟路亦非難。

□ 訪苗先麓

（苗精說文之學，著書四十年，一貧如洗。今年六十無子。）

大隱東方朔，著書揚子雲。出門無所詣，落日一從君。倦鳥宜何集，閒鐙亦有羣。烹茶餘幾火，小覈愧殷勤。（苗無僕從，親煮茶敬客。）

□ 懷劉蓉

我思竟何屬，四海一劉蓉。具眼規皇古，低頭拜老農。乾坤皆在壁，霜雪必蟠胸。他日余能訪，千山捉臥龍。

□ 歲暮雜感十首

殘歲垂垂盡，
羣魔逐逐忙。世人同一悔，
匪我獨顛狂。身計嗟頻左，
家山亦未忘。時猶憂世事，
此志固荒唐。

殺氣行南紀，
溫風轉北條。陽和迴地幹，
神靈贊天朝。挾纊三軍舞，
層冰萬里消。小臣長鯨嘯，
無術贊唐堯。
（江浙去年大雪，京師今歲不甚寒）

堯泉無並育，
天地詎終溫。此日咸陽市，
當年上苑春。雲悲昔遇，
霜露等深恩。聞道南山木，
窮冬尙負暄。

壯歲耽經訓，
艱難始一隅。力耕無近穫，
陟古有通衢。茅塞由來久，
蓬生且待扶。國讎猶未雪，
何處著迂儒？

四山仙侶會，
角逐事賡歌。日日爲詩祟，
人人被墨磨。相從良可適，
不樂復如何。尙有平生友，
飄零在澗阿。

久矣劉生隔，
（孟冬）嗟哉信爾賢。才高防作聖，
情極屢逃禪。歧路多魍魅，
深山足歲年。狂風能作劇，
吹我墮君前。

阿弟光明者，（沅甫）愛兄心尙孩。良時無汝共，雅抱向誰開。難就陸雲業，多慙許武才。皇都寧不美，捨去竟何哉！

萬族求饒益，吾謀願用疏。民生各心性，天道有孤虛。得俸堪加飯，無錢且買魚。逐貧思作賦，才薄欲何如！

浩浩翻江海，爭奔且未闌。古來名利客，誰不到長安。獨立看參昴，橫天如此寒。肯能尋冷淡，夜夜照簷端。

爆竹家家沸，兒時此味長。追歡擲綠蠹，隨例祀黃羊。明旦夔龍集，中天日月光。八年吟舊句，回首但蒼茫。（乙未年，曾作歲暮雜感詩十首。）

□ 桂湖五首

新都桂湖，明楊升庵修撰故宅也。使旋過此，縣令張君宣亭招飲湖上，爲賦此詩。

送別華陽國，歸程始此賒。翻然名境訪，來及夕陽斜。翠竹假寒蟻，丹楓噪暮鴉。詞人云異代，臨水一咨嗟。

短城三面繞，淺水半篙寒。鳥過穿殘日，魚行起寸瀾。秋來樓閣靜，幽處地天寬。平昔江湖性，真思老釣竿。

十里荷花海，我來吁已遲。小橋通野港，壞艇臥西陂。曲岸能藏鷺，盤渦尙戲龜。傾城遊女盛，好是采蓮時。

矮桂枝鉤裏，叢篁葉打頭。隄行皆仄徑，路斷得高樓。欄檻千迴錦，玻璃五色秋。落霞沈水底，綺散不能收。（跨水一樓名沈霞榭）

頗憶家山好，去鄉茲六年。此閒行樂地，小有洞庭天。點綴須人力，招尋信妙緣。使君殊不俗，把酒意茫然。

□ 至日二首

久行忘節序，夙莫但奔忙。茲旦即長至，我征仍未央。寒雲低樹白，邊日際山黃。時覩南來雁，飄零不作行。

海市三年舶，河源八月槎。水衡勞碩書，漆室足咨嗟。天步方長健，民饑亦有涯。燔柴崇大禮，靈贖正來賒。

□ 雨

稍稍車塵隔，安閒一閉門。高歌亦未輟，驟雨方此喧。宿霧依城靜，低雲入樹昏。空庭潏盛水，容易即江邨。

□ 送吳英樾之官浙江兼簡魏黃生大令二首

一第尋常事，服官方獨難。書生良短淺，世態自波瀾。破褐欲誰語，濫竽仍未劣。無言攜汝贈，只耐加餐。

大邑匪輕寄，斯民會可蘇。養魚防攪水，牧馬合求芻。兵甲連滄海，瘡痍正道塗。樂郊枯旱久，遲子一霑濡。

魏子好心事，相從與頗賒。與君聯肺腑，棄我各天涯。烟雨黔山道，風濤海國槎。東南彌萬里，吟望一長嗟。（魏君與吳爲婚姻，謁選得貴州縣令也。）

□ 送鄧伯昭兼簡家伯醇秀才二首

萬里西風道，艱哉信爾行。力耕無半穫，寒日耐孤征。身世嗟杭葦，文章一覆秤。平生餘意氣，未惜爲君傾。

君家老癡叔，海內久詞宗。（謂湘臬廣文。）歲晚餐幽菊，空山倚冷筇。我今方速謗，茲味亦非濃。他日龐公榻，來尋物外蹤。

吾宗良大雅，老矣尙巖阿。六載長乖隔，百年能幾何。高明遭鬼侮，圭璧受沙磨。動忍由來事，無爲棄斧柯。

□ 莫過竹如

維摩元未病，子祀空復疑。薄暮還相訪，經旬繫我思。深談四壁靜，交道一盞知。天暈看西下，來歸亦未遲。

□ 東鄰杜氏義塾

稍得塵埃隙，來茲一散襟。喧車闕四聽，時鳥送餘音。亦有邊韶懶，誰能季主尋。郵童休問字，刻璞方自今。

□ 送王少鶴

待爾雙雙至，春回又一年。開尊皆舊友，發篋半新篇。荔子紅時雨，芭且綠外天。江鄉好風景，話向酒杯前。

□ 送金竺虔之官園中

朋好翩翩去，君今傷此行。春風一杯酒，舊雨十年情。循吏平生志，神仙薄倖名。海隅氣正惡，看汝斫長鯨。

七律

□ 歲暮雜感十首

芒屨鎮日踏春還，殘臘將更卻等閒。三十六旬同逝水，四千餘里說家山。緇塵已自沾京雒，羌笛何須怨玉關。爲報南來新雁到，故鄉消息在雲間。

高帽山下是農家，歲歲年年鬪物華。老柏有情還憶我，天桃無語自開花。幾回南國思紅豆，曾記西風浣碧紗。最是故園難忘處，待鸞亭畔路三叉。

莽莽寒山匝四圍，眼穿望不到庭闈。絮飄江浦無人管，草綠湖南有夢歸。鄉思怕聽殘漏轉，逸情欲逐亂雲飛。敬從九烈神君訴，遊子於今要換衣。

去年此際賦長征，豪氣思屠大海鯨。湖上三更邀月飲，天邊萬嶺挾舟行。竟將雲夢吞如芥，未信君山刻不平。偏是東皇來去易，又吹草綠滿蓬瀛。

紛紛節候儘平常，西舍東家底事忙。十二萬年都小劫，七十餘歲亦中殤。蜉蝣身世知何極，胡蝶夢魂又一場。少昊笑儂情太寡，故堆錦繡富春光。

韶華彈指總悠悠，我到人間廿五秋。自愧望洋迷學海，更無濟福住精邱。尊前瓦注曾千局，脚底紅塵卽九州。自笑此身何處著，笙歌叢裏合閒遊。

爲賦爲否兩蹉跎，搔首乾坤踏踏歌。萬事拚同駢拇視，浮生無奈繭絲多。頻年蹤迹隨波謫，大半天光陰被墨磨。匣裏龍泉吟不住，問予何日斫蛟螭。

舊雨曾遺尺鯉魚，經年不報意如何。自從三益睽違久，學得五君世態疏。碧樹那知難別憾，青燈猶憶故人書。展箋謹借金鑿虱，香火因緣付與渠。

匪學坡及續歲詩。花箋何處寄相思。陽和未老貂先竊。暖氣初回鳥竟知。蓮子情懷隨地遠。天
家雨露及時施。小儒莫獻昇平頌。幸傍龍樓觀上儀。

蹶蹶歲鼓走輕雷。竹馬兒童綵戲纒。仙仗九重圍霧住。宮花一萬鎖煙開。迷離佳氣從空繞。不
斷狂香拂面來。我比春風尤放蕩。長安日日聘龍媒。

寄郭筠仙浙江四首

一病多勞動謹惜。嗟君此別太匆匆。二三知己天涯隔。強半光陰道路中。免走會須營窟穴。鴻
飛原不計西東。讀書識字知何益。贏得行蹤似轉蓬。

碣石逶迤起陣雲。樓船羽檄日紛紛。螳螂竟欲當車轍。龍髯安能抗斧斤。但解終童陳策略。已
聞王歛立功勳。如今旅夢應安穩。早絕天驕盪海氛。

無窮志願付因循。彈指人間三十春。一局楸枰虞變幻。百圍梁棟藉輪囷。蒼茫獨立時懷古。歎
苦新嘗識保身。自愧太倉糜好爵。故交數輩尙清貧。

向晚嚴霜破屋寒，娟娟織月倚檐端。自繙行篋殷勤覓，苦索家書展轉看。宦海情懷蟬翼薄，離人心緒繭絲團。更憐吳會飄零客，紙帳孤鐙坐夜闌。

□ 二十二初度次日書懷

男兒三十殊非少，今我過之詎足歡。齷齪挈餅嗟器小，酣歌鼓缶已春闌。眼中雲物知何兆，鏡裏心情只獨看。飽食甘泉無用處，多慙名字侶鴛鴦。

□ 憶弟二首

無端繞室思茫茫，明月當天萬瓦霜。可惜良宵空兀坐，遙憐諸弟在何方。紛紛書帙誰能展，豔豔花有底忙。出戶獨吟聊忘想，孤雲斷處是家鄉。

忽憶他時襄水上，惡風半夜撼春雷。舟人捩舵聲同泣，客子扶牀面已灰。仰荷皇天全薄命，信知存養等嬰孩。教令歸去復何對，回首蒼生誠險哉！（襄陽遇風，成戎九月出都事弟，今年南歸亦

由襄水邊武昌

漫興

今日今時吾在茲，我兄我弟儻相思。微官冷似支牀石，去國情如失乳兒。見慣浮雲渾欲語，漫成詩句未須奇。徑沽名酒一千斛，轟醉王城百不知。

聞客話里中近事

蓬萊清淺信推遷，回首鄉關事可憐。今日朝簪陪未秩，早時社鼓舞華筵。陳平宰國無消息，庾信辭家有歲年。蹙蹙生涯非我里，滔滔四望極敷天。

元戎

大旆元戎喜起歌，舊時鼎鼎藉調和。豐貂長組朝金闕，駟馬瑠弓照塞河。黃閣居然元老在，蒼

生竟奈此人何。誰憐寂寞揚雄宅，獨抱繁憂臥薜蘿！

□ 溫甫讀書城南寄示二首

十年長隱南山霧，今日始爲出岫雲。事業真如移馬磨，羽毛何得避雞羣。求珠采玉從吾好，秋菊春蘭各自芬。嗟我蹉跎無一用，塵埃車馬日紛紛！

嶽麓東環湘水迴，長沙風物信佳哉。妙高峯上攜誰步，愛晚亭邊醉幾回。夏后功名餘片石，漢王鐘鼓撥寒灰。知君此日沈吟地，是我當年眺覽來。

□ 早發沔縣遇雨

此身病起百無憂，敢爲艱難一怨尤。曉霧忽飛千嶂雨，西風已作十分秋。近知地利真堪恃，早信人謀不自由。昨日定軍山下過，蒼天一望故悠悠。

□ 初入四川境喜晴

萬里關山睡夢中，今朝始洗眼朦朧。雲頭齊擁劍門上，峯勢欲隨江水東。楚客初來詢物俗，蜀人從古足英雄。臥龍躍馬今安在，極目天邊意未窮。

□ 梓潼道中有懷馮樹堂陳岱雲

複嶂七盤相約束，清流九曲與周遭。日高旌旆鳥蛇亂，秋老爪牙鷹隼豪。北望幽燕天漠漠，東歸歲月水滔滔。江山如此知交隔，獨對菱花數二毛。

□ 早發武興驛憶弟

朝朝整駕趁星光，細想吾生有底忙。疲馬可憐孤月照，晨雞一破萬山蒼。日歸日歸歲云暮，有弟有弟天一方。大壑高崖風力勁，何當吹我送君旁。

□ 三十三生日二首

三十餘齡似轉車，吾生泛泛信天涯。白雲望遠千山隔，黃葉催人兩鬢華。去日行藏同踏雪，迂儒事業類團沙。名山壇席都無分，欲傍青門學種瓜。

六載承明歷秘書，河東一賦又吹噓。多慙衰職無遺事，實藉文言有慶餘。白壁出山終就琢，黃金擲谷總成虛。何時卻返初衣好，歸釣蒸谿縮項魚。（蒸水去吾家十里。）

苦飲風塵未息機，驚駘已絡紫金鞵。詩禪入悟無三昧，世路回頭有百非。翁子少年原落拓，承宮家世本清微。故山鷓鴣吾盟在，（謂劉大）曾記江邊各忍饑。

□ 國士橋（趙城縣西）

亂鴉呼噪若爲情，疲馬逡巡尙欲驚。遭遇一生容可再，艱難萬死竟無成。至今平楚風猶勁，終古寒流意未平。他日王孫知己感，可憐鐘室淚縱橫！

□ 哭少時同學某

君嘗三試有司被黜，以事牽連，爲吏胥奇辱，貧鬱以死。

少日低飛各羽翰，幾年茵溷不同看。竟緣無食填溝壑，終古銜羞在肺肝。蟻戰莫償三北恥，蠶僵更吐一絲難。寡妻弱子知何倚，雪虐風饑可耐寒。

□ 送妹夫王五歸五首

飄然乘我即山林，野服黃冠抵萬金。滾滾污塵得少辟，茫茫歧路一長吟。梁鴻旅食妻孥共，蘇季貧歸憂患深。東去大江蘆荻老，皇天颯颯正秋霖。

荆楚樵柯夾道栽，於人無忤世無猜。豈知斤斧聯翩至，復道牛羊爛漫來。金碧觚稜依日月，嶸嶸大棟逼風雷。回頭卻羨曲轅襍，歲歲偷閒作藥材。

高帽山下草芊綿，去國蹉跎今六年。卹老半聞悲薤露，入閒容易卽桑田。炎雲涼雨有翻覆，舞榭歌臺況變遷。莫訝榮枯無定態，君今猶守舊青氈。（王氏故富室，今貧矣。）

有齊季女吾弟行，操曰君家老孟光。曾是弋鳧相勞饗，猶聞雛鳳已軒昂。秦嘉上計心情薄，王

窮躬耕身世忘。織屨辟繡終古事。牛衣歲月卽羲皇。

老弟三年困省門。寒山無律可回溫。由來分命政須爾。久信文章不足尊。南雁乖違少書信。西落對乾坤。因君傳語告予季。失馬亡羊莫更論。

謝九弟四首

遠離予季今三載。辛苦學詩絕可憐。王粲辭家遘多患。陸雲入洛正華年。輪轅塵裏鬢毛改。鼓聲中筋骨堅。門內生涯何足道。要須嘗膽報堯天。

漢家八葉耀威弧。冬幹春膠造殊。豈謂戈鋌照京口。翻然玉帛答倭奴。汝山豈識風塵事。舊德惟傳嫁妾圖。長是太平依日月。杖藜零涕說康衢。

杜韓不作蘇黃逝。今我說詩將附誰。手似五丁開石壁。心如六合一遊絲。神斤事業無凡質。春草池邊有夢思。何日聯牀對鐙火。爲君爛醉舞仙儷。

辰君平正午君奇。屈指老沉眞白眉。入世巾袍各骭髀。閉門諧諠卽支離。中年例有妻孥役。識

字由來數養衰。家食等閒不經。如今飄泊在天涯。
澄侯以庚辰生，溫甫以壬午生。

□ 贈梅伯言一首

陸巷蕭蕭劣逸車，蓬門寂寂似逃虛。爲杓不願庚桑楚，爭席誰名揚子居。
喜潑綠成新引竹，仍磨丹覆舊離書。長安挂眼無冠蓋，獨有文章未肯疏。

單緒真傳自皖桐，不孤當代一文雄。讀書養性原家教，績學參微況祖風。
衆妙觀如蜂序密，高格似鶴籥空。上池我亦源頭識，可奈頻過風日中。

□ 夜直苦寒

西流朱鳥高，五更風利鷲鷹刀。勁寒戰栗通心曲，轆氣冰霜上口毛。
曠蕩青天如可對，折旋尹地敢辭勞。頽聞交戰呵金馬，燄入燈牕炙凍毫。

□ 吳宮黃病中屬市鹿尾

越舫迎來手指千，屋多不畏貯風偏。華燈鄉話初長夜，藥碗吟愁欲雪天。陽氣眉閒回病客，元精至後固崖仙。內廚斫取殷紅色，判費西清月放錢。

□ 臘八日夜直

翻從官宿得閒時，仙掖深深畫掩帷。靜向古人書易入，寒偏今日酒堪持。濃醴說獻宮中佛，晴雪看分禁裏墀。日暮武英門外望，井闌冰合柳枯垂。

□ 失題四首

抽得閒暇鶴不如，高秋酒熟翰黃初。便驅天駟識途馬，歸釣江鄉縮項魚。往日心情隨轂轉，今來身世似舟虛。不須更說知幾早，且喜塵緣盡剷除。

蚤雨蠻煙日日催，側身周望重低徊。海濱膏血深無極，帳下笙歌自莫哀。安得買生時痛藥，可憐楊僕本庸才。投章欲問茫茫意，何處蓬天尚有臺？

金堤奮濟高家堰，復道今年盛昔年。自古塵沙同浩劫，斯民塗炭豈前緣。沈江欲禱王尊壁，擊楫誰揮祖逖鞭。大廈正須梁棟柱，先生何事賦歸田？

兩度歸帆沂上流，蕭蕭落木洞庭秋。送君此去風前酒，憶我當時月夜舟。宏景舊居句曲洞，杜陵新卜浣谿頭。好栽修竹一千畝，更抵人閒萬戶侯。

□ 丁未六月七日考試漢教習試院作二首

潭潭深院鏑局牢，闕日溼雲作鬱陶。薄茗何曾解消渴，纖絺便欲等重袍。高堂燕息尙如此，矮屋蜂屯毋已勞。得失升沈紛滿眼，世閒人事等牛毛。

虞廷胃子肄聲律，漢室小侯齒辟雍。銀漢支流原博大，璧門追琢要從容。師儒落落渺千載，鍼芥時時還一逢。明日鄧林斤斧入，可能澗底拔長松？

□ 武會試園中作

禁閔蓮漏已宵梁，涼月窺人肯一臨。此也領來從案牘，吾生何日得山林。翠緜霧隱三更肅，河漢天高萬籟沈。火冷燈青無假事，憐閒殺夢才心。

□ 送孫芝房使貴州二首

妙年作賦動明光，又策星槎赴夜郎。文采邊陲瞻泰斗，儀容寸步中宮商。沅湘過訪三閭廟，宛葉行經百戰場。定有新詩傳萬口，歸才吾與解奚囊。

六年陳迹吾能記，病骨秋風入劍關。曾洗人天清淨眼，飽看巴蜀怪奇山。君今巖壑搜羣玉，自有光芒照百蠻。不似老夫徒碌碌，崑岡一網手空還。

□ 書邊衷石詩集後二首

鑄章琢句尋常事，激烈心情絕可憐。今日詞臣須頗牧，古來豪士出幽燕。楊家忠義存三疏，孫相威名在九邊。莫藉文章追往昔，要憑肝膽報皇天。

苦憶荊州王仲宣，投簪浩蕩臥江天。三年促膝從予坐，四海低頭道子賢。北李南何各壇坫，楓青塞黑與纏綿。因君更逐停雲想，望斷襄陽落照邊。

□ 送梅伯言歸金陵二首

金門混迹髮蒼蒼，從此孤蒲歲月長。人世正酣爭奪夢，老翁已泊水雲鄉。自繙素業衡輕重，久覺紅塵可憫傷。祇恐詩名天下滿，九州無處匿韓康。

徵君絕學冠寰瀛，又見文孫樹立宏。六葉弓裘傳柏視，百年耆舊數宣城。緬懷仁廟虛前席，盡訪鴻儒佐太平。豈獨當時能感激，至今臣子涕縱橫。（伯言宣城人，著有柏視山房詩文集。）

文筆昌黎百世師，桐城諸老實宗之。方姚以後無孤詣，嘉道之閒又一奇。碧海龍吟鯨掣候，青山花放水流時。兩般妙境知音寡，它日曹谿付與誰？

□ 謝李芋仙二首

巴東三峽援嘒處，太白醉魂今尙存。途有遠孫通胙蠻，時吟大句動乾坤。愛從吾黨魚忘水，厭逐人閒蠱處禪。卻笑文章成底用，千篇不值一盤殮。

勁翮摩空故絕倫，吹噓曾未出風塵。細思科第定何物，卻是饑寒解困人。大道但期三洗髓，長途終遇九方歎。高秋一放脫鞵去，看汝飛騰亦有神。

□ 次韻何廉昉太守感懷述事十六首

域中哀怨廣場開，屈宋而還第二回。幻想更無天可問，牢愁寧有地能埋。秦瓜鉤帶何人種，社櫟支離幾日培。大冶最憎金踊躍，那容世界有奇材。

慘澹兵戎春復秋，濁醪誰信遣千憂。戰場故鬼招新鬼，世事前漚散後漚。馳逐幾同秦失鹿，劬勞祇愧魯無鳩。何時浩蕩輕鷗去，一舸鷗夷得少休。

二月長安春始歸，觚稜回首夢魂飛。宮鶉掠日槐陰瘦，廐馬嘶風柳絮肥。東閣賜茶雙鳳闕，西郊扈蹕九龍旗。十年苦憶鈞天奏，老大眞憐未拂衣。

滄海橫流澤有鴻，微生偶出一當熊。千艘梭織怒濤上，萬幕笳吹明月中。屠罷長鯨波尚赤，戰歸驕馬汗猶紅。誰知春晚周郎老，更與東皇乞好風？

鍾山祠廟巋然存，憑弔湖湘烈士魂。馬革裹屍男子志，彎刀祭脍聖明恩。弓旌夜動神依戶，簫鼓春祈福滿門。萬世游人應指點，血殷篙眼古時痕。

潯陽江水接天長，良將新祠皎雪霜。半壁東南支柱石，數州士女薦馨香。竟無耆壽追充國，猶有嘉名配武鄉。匹馬寸金都謝絕，三明何必數西涼。

山縣寒儒守一經，出山姓字各芳馨。要令天下消兵氣，爭說湘中聚德星。舊雨三年精化碧，孤燈五夜眼常青。書生自有平成量，地脈何曾獨效靈。

猿鶴沙蟲道竝消，誰分糞壤與芳椒。昨來院水三河變，堪痛阿房一炬焦。句踐池邊醜易醉，田橫墓上酒難澆。同袍才俊彫零盡，苟活人間只自嘲。

鶴原橫貫第三八，鶴唳華亭不復春。先軫歸元何日是，虞翻相骨本來貧。科名久滯青雲路，身手難扶赤日輪。十二萬年香不滅，從渠擣麝作灰塵。

江雪湖波路幾千。壺頭歸葬事堪憐。鑄金叩叩終何益，埋玉深深不計年。夜月一鈞涼蕙帳，春風十萬散榆錢。神靈甲馬如相助，莫遣愁人歎逝川。

濫觴初引一泓泉，流出蛟龍萬丈淵。從古精誠能破石，薰天事業不貪錢。腐儒封拜稱詩伯，上策屯耕仕硯田。巨海茫茫終得岸，誰言精衛憾難填？

幕府山頭對碧天，英英羣彥滿樽前。共扶元氣迴陽九，各放光明照大千。短李迂辛雜嘲諷，箕張牛奮總安便。獨憐何遜今漂泊，望斷寒雲暮靄邊。

薇閣藤廳淡淡紅，多君翔步五雲中。良緣彩鳳雙飛翼，慧業靈犀一點通。典郡四旬書上考，闔門八口祀昭忠。災祥誰識天公意，休向西風泣路窮！

由來忠孝易通神，鬢利華切識後身。石爛海枯終有盡，生天成佛豈無人。關河庾信空蕭瑟，形影陶潛孰主賓。雞犬全家存帝所，淮南生計未全貧。

荒城風雪臥衰安，高節鴻才萬目看。嬾讀司空城旦法，曾希柱後惠文冠。出山馴雉網羅密，失水神龍變化難。猶有老梅嬌雪鬢，先從三界舞春寒。

聖主中興選盛周，驪驪方召并公侯。神威欲決一筵下，大業常同江漢流。藻火但聞山甫寤，桐廬豈有子陵裘？鸞鷲臺閣方新構，杞梓榱桷一例收。

□ 讀吳南屏送毛西垣之即墨長歌即題其集

十載鄉園獨爾思，眼明今日見新詩。嘗憂大雅終將絕，豈意吾儕覩此奇。木落千山初瘦削，風迴大海乍平夷。此中真意憑君會，持似旁人那得知？

人閒疏髻一毛生，與子交期如弟兄。忽出國門騎瘦馬，去看東海掣長鯨。放歌一弔田橫島，醜酒還臨樂毅城。併入先生詩句裏，干戈離別古今情。

五絕

□ 讀李義山詩集

渺縣出聲響，與緩生光瑩。太息涪翁去，無人會此情。

七絕

□ 入陝西境六絕句

西風已謝朔風適，客子勞勞且未休。行過嘉陵三百里，飛崖絕壁又秦州。

破曉七盤山上望，回看蜀國萬峯環。英雄割據終何有，陵谷滄桑事等閒。（南棧惟七盤嶺與朝天關最高）

亂山合處響沈沈，古洞千年海樣深。獨臥籃輿初夢覺，時聞脚底老龍吟。（兩山忽合，中如長虹，名龍洞背，下有洞，可容數千人。）

忽憶老筠吾匹儔，（謂郭大）汨羅江上苦吟秋。未成嘉會方王賁，便恐才名駕應劉。

江流日夜走荆襄，隴蜀由來四戰場。故壘無人談往事，空山有客弔斜陽。（入棊三十里爲百

牢關，關以東水皆東流入河，關以西水皆西流入嘉陵江。

七二寒谿沒許深，谿邊茅屋隔楓林。歸人正怯征衣薄，又聽山城響暮砧。
（寧羌州多山澗，病涉，俗名七十二道脚不乾。）

□ 題畫竹次醇士前輩韻二首

森森鳳尾一時抽，滿地孫枝翠篠稠。老幹已淩霄漢上，曲江猶自憶遨頭。
列仙不比山澤臞，碧椀瓊漿事有無。更向禪宗參玉版，花豬竹鷄肯分吾。

□ 送唐鏡海先生九首

六年高臥大江隈，萬里蒲輪驛吏催。京國諸儒齊額手，溫公新自洛陽來。
金殿從容道古今，高言字字印天心。鐘聲送出東華路，已報槐階轉午陰。
摹天繪日本難工，聖德何由測六龍。白髮老臣私贊歎，文如聖祖武高宗。

澤衝滔滔走帝都，堯封何事闕溝渠。廿年深究齊民術，一卷新呈水利書。
上相南征策衆材，軍容十萬轉風雷。書生卻進安民策，盜弄潢池事可哀。
秦岱高雲不可攀，曾興霖雨在人閒。如今老去神功斂，祇就君王乞放還。
道德神仙各有謀，行藏雖一事難侔。功名不數神司諫，出處羞稱李邕侯。
熙朝正學要匡扶，衆說紛紛各啟塗。歸語江南諸父老，太平天子好眞儒。
粉榆後進謬升堂，習習春風杖履旁。此後追陪何日是，鏡中吾亦鬢毛蒼。

□ 王戎四月沅弟克復巢縣和州含山等城賦詩四首

濡須塢裏漲春波，三月鶯囀氣正和。一騎雲飛新報捷，漢家收復舊山河。
碧血家家百草腥，荒郊五夜泣坤靈。將軍一帶陵陽道，便有遊人說踏青。
半壁山前鐵鎖橫，當年諸將各聲名。卽今錐鑿西梁下，益信先皇萬里明。
師淑韓公二十霜，政將裴令竝論量。諸君自有涪溪筆，看取穹碑日月光。

□ 沉圃弟四十一初度

九載艱難下百城，漫天箕口復縱橫。今朝一酌黃花酒，始與阿連慶更生！
陸雲入洛正華年，訪道尋師志頗堅。慚愧庭階春意薄，無風吹汝上青天。
幾年豪筆逐辛酸，科第尼人寸寸難。一劍須臾龍變化，誰能終古老泥蟠？
廬陵城下總雄師，主將赤心萬馬知。佳節中秋平劇寇，書生初試大功時。（沉甫初在吉安，統兵二萬。八年八月十五日克復府城。）

楚尾吳頭鬧戰塵，江干無土著生民。多君竊定同安郡，上感三光下百神。（十一年八月初一日克復安慶，欽天監奏是日四星聯珠，日月合璧。）

濡須已過歷陽來，無數金湯一剪開。提挈湖湘良子弟，隨風直薄雨花台。
邂逅三才發殺機，王尋百萬合重圍。昆陽一捷天人悅，誰識中軍血染衣。
平吳捷奏入甘泉，正賦周宣六月篇。生縛名王歸夜半，秦淮月畔有非煙。

河山策命冠時髦，魯衛同封異數叨。刮骨箭瘢天鑒否，可憐叔子獨賢勞。
左列鐘銘右謗書，人間隨處有乘除。低頭一拜屠羊說，萬事浮雲過太虛。
已壽斯民復壽身，拂衣歸釣五湖春。丹誠磨鍊堪千劫，不藉良金更鑄人。
黃河餘潤沾三族，白下飢民活萬家。千里親疏齊頌禱，使君眉壽總無涯。
童穉溫溫無險熾，壯年浩浩少猜疑。與君同講養生訣，且學嬰兒中酒時。

甲子八月二十日，沅甫弟四十一生日，爲小詩十三首壽之。往在壬戌四月，沅弟克復巢縣和州含山等城。余武詩四首。一時同人以爲聲調有似饒歌而和之。此詩略防其體，以徵和者。且使兒曹歌以侑觴。國藩識。

